

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 16 1941

T9299/8125(56)

學海君道部創業類

分爭門一

百末十六國篇一

劉淵據平陽稱漢劉曜徙長安稱趙

何分爭門二

晉末十六國篇二

石勒據襄國稱趙

成李據蜀章

為命分爭門三

十六國篇三

亦容據遼東

學海君道部卷之一百六十四

鮑瓛編

創業類

四十一

偽命分爭

晉末十六國篇

劉淵據平陽稱漢劉曜據長安稱趙章

高祖光文皇帝劉淵新興匈奴人

通鑑曰劉淵新興匈奴人冒頓之後左賢王劉豹之子也

詳世類

幼而雋異師事上黨崔游博習經史嘗謂同門生朱紀范隆曰吾

常耻隋陸無武絳灌無文隋陸遇高帝而不能建封侯之業絳灌

遇文帝而不能與庠序之教豈不惜哉於是兼學武事及長後臂

善射膂力過人姿貌魁偉

哈佛大學漢和
圖書館珍藏印

晉武帝咸寧五年己亥春正月晉以匈奴劉淵為左部帥

淵為任子在洛陽主渾及子濟皆重之屢薦於帝帝召與語悅之

濟曰淵有文武長才陛下任以東南之事吳下足乎也孔恂楊珧

曰非我族類其心必異淵才器誠少比然不可重任也及涼州覆

沒帝問將於李熹對曰陛下誠能發匈奴五部之眾假劉淵一將

軍之號使將之而西樹機能之首可指日而梟也孔恂曰淵果梟

樹機能則涼州之患方更深耳帝乃止淵與東萊王彌友善謂彌

曰王李以鄉曲見知每相稱薦適足為吾患耳因歔歔流涕齊王

攸聞之言於帝曰陛下不除劉淵臣恐并州不得久安王渾曰大

晉方以信懷殊俗柰何以無形之疑殺人侍子乎何德度之不弘

也帝曰渾言是也會豹卒以淵代為匈奴左部帥

太康十年己酉冬十一月以劉淵為匈奴北部都尉

詔以劉淵為匈奴北部都尉淵輕財好施傾心接物五部高

薊名儒多往歸之

惠帝永熙元年庚戌冬十月以劉淵為匈奴五部大都督

詔以劉淵為建威將軍匈奴五部大都督封漢光卿侯元康末坐

部部人叛出塞免官

永熙元年漢王淵元熙元年甲子秋八月劉淵自稱大單于

都王穎舉兵逼京師自為丞相還鎮鄴表淵行寧朔將軍監五

部軍事使將兵在鄴時長安喪亂寇盜鋒起淵從祖故北部尉右

賢王宣謂其族人曰昔我先人與漢約為兄弟憂泰同之自漢亡

以來我單于徒有虛號無復尺土自餘侯王降同編戶今吾眾雖

衰猶不減二萬奈何歛手受役奄過百年左賢王淵英武超世天若不恢崇單于必不虛生此人也今司馬氏骨肉相殘四海鼎沸復呼韓邪之業此其時矣乃相與謀推淵為大單于使其黨呼延攸詣淵告之淵白穎請歸會壑穎弗許淵令攸先歸告宣等使招集五部及稽胡聲言助穎實欲救之穎為皇太弟以淵為六弟屯校尉東海王越奉帝伐穎次于湯陰穎假淵輔國將軍領此城守事及乘輿敗績穎以淵為冠軍將軍封盧奴伯幽州都督王浚并州刺史東瀛公騰與鮮卑段務勿塵烏桓羯末同起兵討穎淵以穎曰今二鎮跋扈衆十餘萬恐非宿衛及近郡士衆所能禦也請為殿下還說五部以赴國難穎曰五部之衆果可發否就能發之鮮卑烏桓勁速如風雲未易當也吾欲奉乘輿還洛陽以避其鋒

徐傳檄天下以逆順制之君意何如淵曰殿下武皇帝之子有大勲於王室威恩遠著四海之內孰不願為殿下盡死力者何難發之有王浚豎子東瀛公踈屬豈能與殿下爭衡邪殿下發鄴宮示弱於人洛陽不可得而至雖至洛陽威權不復在殿下也願殿下撫勉士衆靜以鎮之淵請為殿下以二部摧東瀛三部梟王浚二豎之首可指日而懸也穎悅拜淵為北單于丞相軍事淵至左國城匈奴左部所居城也劉宣等上大單于之號二旬之間有衆五萬都於離石縣屬西河郡以其子聰為鹿蠡王遣左於陸王宏帥精騎五千會穎將王粹拒東瀛公騰粹已為騰所敗宏無及而歸幽并兵至鄴穎敗奉帝南奔洛陽東瀛公騰乞師于拓跋猗也以擊淵猗也與弟猗盧合兵擊淵于西河破之與騰盟於汾東而還淵聞穎去

鄴歎曰穎不用吾言逆自犇潰真奴才也然吾與之有言矣不可
以不救於是命右獨鹿王劉晏左獨鹿王劉延年率步騎二萬擊
鮮卑烏桓宜等固諫曰晉爲無道奴隸御我是以右賢王猛不勝
其忿屬晉綱未弛大事不遂右賢塗地單于之耻也今司馬氏骨
肉相殘此天厭晉德而授於我單于積德在躬爲晉人所服方當
興我邦族復呼韓邪之業鮮卑烏桓我之氣類可以爲援柰何擊
之而極仇敵乎淵曰善大夫當爲崇崗峻阜能爲培塿乎夫帝王
豈有常哉大禹出於西戎文王生於東夷顧惟德所授耳今見衆
十餘萬皆一當晉十鼓行而摧亂晉猶拉枯也上可成漢高之業下
不失爲魏武呼韓邪何足效哉宜等稽首曰非所及也

冬十月劉淵自稱漢王

劉淵遷都左國城胡晉歸之者愈衆淵謂群臣曰昔漢有天下久
長恩德結于人心是以昭烈崎嶇于一州之地而能抗衡于天下
吾又漢氏之甥約爲兄弟兄亡弟紹不亦可乎乃建國號曰漢宣
等請上尊號淵曰今晉人猶在四方未定且可依高祖稱漢王侍
宇宙混一當更議之於是爲壇南郊卽漢王位改元元熙追崇安
樂公禪爲孝懷皇帝作漢三祖五宗神主而祭之以右賢王宣爲
丞相崔游爲御史大夫後部人陳元達爲黃門郎族子曜爲建武
將軍游固辭不就元達少有志操淵嘗招之不答及淵爲王或相
謂曰君其懼乎元達笑曰不過二三日驛書必至其暮淵果徵之
元達事淵屢進忠言退而削草雖子弟莫得知也

尹氏曰淵何不書反晉氏不審華戎之辨置之內地今骨肉相

殘帝室傾覆醜類乘時竊發固非彼敢於猾憂也晉自使之然耳是以書法如此

丘氏曰單于匈奴之號也以夷狄之號行夷狄之地固其所也淵稱匈奴之號居中國之地而統中國之人民三代以來所未有也其亦世變之如斯愚嘗因華夷盛衰之故而嘆世道升降之幾自古夷狄為中國害莫甚於犬戎之弑幽王也然旋即遠遁未有據中國之地臣中國之人僭中國之號而至於數十年之久者有之始自劉淵焉原其所以致此者豈夷狄之罪哉中國之人有以感召之也

十二月漢寇太原西河郡

瀛公騰遣將軍聶玄擊漢王淵戰于太陵縣屬太原玄兵大敗淵遣

族子曜寇太原取泫氏屯留長子中都又遣冠軍將軍喬晞寇西河取介休介休令賈渾不降晞殺之將納其妻宗氏宗氏罵晞而哭晞殺之淵聞之大怒曰使天道有知喬晞望有種乎追還降秩四等收渾屍葬之

二年乙丑夏六月

淵攻東瀛公騰騰復乞師于拓跋猗屯猗屯率輕騎數千救騰斬

漢將綦毋豚載記曰騰又遣司瑜周良石鮮等討之次離石汾城淵遣其武牙將軍劉欽等大軍拒瑜等四戰皆敗欽

振旅而歸

漢離石大饑

是歲離石大饑淵徙屯黎亭在壺子縣就邸閣穀留太尉宏守離石使

大司農十豫運穀以給之

懷帝永嘉元年丁卯秋七月苟晞擊石勒大破之勒降漢冬十一月王彌及其黨劉靈降漢

二月羣盜王彌寇青徐殺東萊太守五月群盜汲桑石勒入鄴殺都督新蔡王騰復攻兗州刺史苟晞擊破之桑走死時胡部大張匄督等擁衆數十壁於上黨勒往從之因說匄都等隨勒歸漢淵度有衆二千壁于樂平淵屢招不能致勒誘執伏利度帥其衆歸漢淵加勒督山東征討諸軍事以伏利度之衆配之十二月王彌逼洛陽爲苟純所敗劉靈寇趙魏亦爲王讚所敗遂懼遣使降漢淵拜彌鎮東大將軍封東萊公以靈爲平北將軍

漢永鳳春正月劉聰據太行石勒下趙魏王浚擊勒破之夏五

月漢王彌寇洛陽北宮純擊破走之

淵遣撫軍將軍聰等十將南據太行輔漢將軍石勒等十將東下

趙魏載記曰劉淵以劉琨爲使持節征討大都督大將軍要擊并州刺史劉琨下坂橋爲琨所敗琨遂據晉陽其侍中劉殷王育進諫元海曰殿下自起兵已來漸已一周而琨守偏方王威未震誠能命將四出決機一擲梟劉琨定河東建帝號鼓行而南尅長安而都之以關中之衆席卷洛陽如指掌且此高皇帝之所以創豎鴻基尅殄彊楚者也元海悅曰此孤心也

二月石勒寇常山王浚擊破之三月王彌收集亡散兵復大振分遣諸將攻掠青徐豫四州彌入洛陽爲涼州將北宮純等所敗渡河如平陽淵郊迎之加彌侍中北宮純等與劉聰戰於河東敗之

秋七月漢徙都蒲子

七月淵寇平陽太守宋抽棄郡走河東太守路述戰死淵徙都蒲

子即蒲城晉屬平陽郡

上郡鮮卑陸逐正氏酋單徵並降於漢

考異曰載記作氏酋大單

于徵按當時戎狄酋長皆謂之大徵即光文單後之父于子于行字也

九月王彌石勒寇鄴和郁棄城

走朝廷詔裴憲屯白馬以拒彌王堪屯東燕以拒勒曹武屯大陽

以備蒲子

冬十月漢王淵稱皇帝

十月甲戌漢王淵即皇帝位大赦改元永鳳

十二月漢石勒劉靈寇魏汲賴丘

十一月壬寅并州刺史劉琨使上黨太守劉惔帥鮮卑攻壺關漢

鎮東將軍慕容暉戰敗亡歸石勒劉靈帥眾三萬寇三郡百姓望

風降附者五十餘邑皆假暉王將軍都尉印綬簡其強壯五萬為

軍士老弱安堵如故已酉勒執魏郡太守王粹于三臺殺之十二

月漢宗室以親疎悉封郡縣王異妙以功代悉封郡縣公侯

三年

漢河瑞元巳巳

春正月漢徙都平陽

漢太史令宣于修之以星變言於其王淵曰不出三年必克洛陽

蒲子崎嶇難以久安平陽氣象方昌請徙都淵從之

三月漢寇黎陽陷之

將軍朱誕奔漢具陳洛陽孤弱勸漢王淵攻之淵以誕為前鋒都

督以滅晉大將軍劉景為大都督將兵攻黎陽克之又敗王堪於

延津沉男女三萬人於河淵聞之怒曰景何面目復見朕且天道

豈能容之吾所欲除者司馬氏耳細民何罪黜景為平虜將軍

淵劉

之識略非聰
權所能及也

夏漢石勒寇鉅鹿常山漢寇壺關陷之

漢安東大將軍石勒寇鉅鹿常山衆至十餘萬漢王淵以王彌爲
征東大將軍與楚王聰共攻壺關以石勒爲前鋒都督劉琨遣護
軍苻肅韓述救之聰敗述於西澗勒敗肅於封田皆殺之太傅越
遣王曠施融拒之曠濟河欲長驅而前融曰彼承險間出且當阻
水爲固以量形勢曠怒曰君欲沮衆耶遂踰太行與聰戰於長平
之間曠丘大敗融超皆死聰遂破屯留長子凡斬獲萬九千級上
黨太守龐淳以壺關降漢時并州刺史劉琨擊匈奴劉虎聰遣兵
襲晉陽不克

秋八月漢寇洛陽弘農太守垣延襲敗之冬十月漢復寇洛陽北宮
純擊敗之

漢王淵命楚王聰等進攻洛陽詔平北將軍曹武等拒之皆爲聰
所敗聰長驅至宜陽自恃驟勝怠不設備九月弘農太守垣延
降夜襲聰軍聰大敗而還冬十月漢王淵復遣聰與王彌始安王
曜汝陰王景帥精騎五萬寇洛陽大司空鴈門公呼延翼帥步卒
繼之丙辰聰等至宜陽朝廷以漢兵新敗不意其復至大懼辛酉
聰屯西明門北宮純等夜帥勇士千餘人出攻漢軍斬征虜將軍
呼延灝壬戌聰南屯洛水乙丑呼延翼爲其下所殺其衆自大陽
潰歸淵救聰等還師聰表稱晉兵微弱不可以翼灝死故還師固
請留攻洛陽淵許之太傅越嬰城自守戊寅聰親祈嵩山留將軍
安陽王厲與呼延郎督攝留軍越乘虛出擊郎斬之厲赴水死王
彌謂聰曰今軍旣失利洛陽守備猶固運車在陝糧食不支數日
殿下不如與龍驤還平陽暴糧發卒更爲後舉下官亦收兵穀待

命於交豫不亦可乎聰自以請留未敢還宣于修之言於淵曰歲
在辛未乃得洛陽今晉氣猶盛大軍不歸必敗淵乃召聰等還十
一月甲申漢楚王聰始安王曜歸于平陽王彌南出轅轅流民之
在潁川襄城汝南南陽河南者數萬家素爲居民所苦皆燒城邑
殺二千石長吏以應彌石勒寇信都殺冀州刺史王斌王浚自領
冀州詔車騎將軍王堪北中郎將裴憲將兵討勒勒引兵還拒之
魏郡太守劉矩以郡降勒勒至黎陽裴憲棄軍奔淮陽王堪退保
倉垣十二月漢主淵以陳留王歡樂爲太傅楚王聰爲大司徒江
都王延年爲大司空遣都護大將軍曲陽王賢與征北大將軍劉
靈安北將軍趙固平北將軍王桑東屯內黃王彌表左長史曹嶷
行安東將軍東徇青州且迎其家淵許之

遺詔輔政淵卒太子和卽位聰殺和而伐之

永嘉五年

漢嘉平
元辛未

夏五月漢人入寇六月入洛陽殺太子詮遷帝于

平陽

石勒大敗晉兵於苦縣漢主聰使呼延晏將兵二萬七千寇洛陽

安始王曜與王彌石勒皆引兵會之癸未晏先至洛陽甲申攻平

昌門丙戌克之遂焚東陽門及諸府寺六月丁亥朔晏以外繼不

至俘掠而去辛卯王彌至宣陽門壬辰始安王曜至西明門丁酉

王彌呼延晏克宣陽門入南宮升太極前殿縱兵大掠悉收宮人

珍寶懷帝出華林園門欲奔長安漢兵追執之幽於端門曜自西

明門入屯武庫戊戌曜殺太子詮吳孝王晏等士民死者三萬餘

人遂發掘諸陵焚宮廟官府皆盡曜納惠帝羊皇后遷帝及六壘

於平陽

秋七月漢劉曜寇長安南陽王模出降曜斬之遂據長安

七月南陽王模使趙染戍蒲坂染率眾降漢八月聰遣染與劉雅帥騎二萬攻模于長安曜與河內王粲帥大眾繼之染敗模兵于潼關長驅至下邽涼州將北宮純自長安降漢漢兵圍長安模遣淳于定出戰而敗遂降於漢染送模于粲殺之漢主聰以曜為車騎大將軍雍州牧更封中山王鎮于長安

冬十月馮翊太守索綝等擊敗漢兵於長安十二月迎秦王鄴入雍城

馮翊太守索綝與安夷護軍麴允等俱奔安定與安定太守賈疋謀興復晉室疋從之率眾五萬向長安雍州刺史麴特新平太守竺恢皆不降於漢聞疋起兵與扶風太守梁綜帥眾十萬會于湖內王粲在新豐使其將劉雅趙染攻新平不克索綝救新平大小百戰雅等敗退中山王曜與疋等戰於黃丘曜眾大敗疋遂襲漢梁州刺史彭蕩仲殺之麴特等擊破粲於新豐粲還平陽於是疋等兵勢大振十二月疋迎秦王業入于雍城

六年_壬夏四月雍州刺史賈疋等進圍長安漢劉曜敗走秦王業入長安

四月賈疋等圍長安數月漢中山王曜連戰皆敗驅掠士女八萬餘口犇於平陽秦王業自雍入長安五月漢主聰貶曜為龍驤大將軍行大司馬

秋七月漢劉曜襲晉陽陷之劉琨奔常山

聰遣曜與河內王粲將兵寇并州劉琨聞之東出收兵曜粲乘虛襲晉陽守將以城降琨還救不及遂奔常山曜入晉陽聰復以曜為車騎大將軍

冬十月代公猗盧攻晉陽劉曜敗走猗盧追擊大敗之

十月代公六修自將救晉陽與曜戰於汾東曜兵敗墜馬中七釵傳虎以馬授曜曰漢室初基天下可無虎不可無大王也乃扶曜上馬驅令渡汾自還戰死曜入晉陽夜粲等掠晉陽之民踰蒙山而歸十一月猗盧追之戰于藍谷漢兵大敗

愍帝建興元年癸酉春二月漢主劉聰弒帝於平陽夏四月太子業即位於長安漢寇長安僕射麴允拒之

二月聰殺故晉臣十餘人懷帝亦遇害皇太子業即皇帝位于長

安

是為愍帝

中山王曜與司隸校尉喬智明寇長安平西將軍趙染帥

眾繼之詔麴允屯黃白城以拒之秋九月曜染攻黃白城允累戰皆敗索綝將兵助允

冬十月漢劉曜寇長安十一月麴允破走之

十月染謂曜曰麴允率大眾在外長安空虛可襲也曜使染帥精騎五千襲長安庚寅夜入外城愍帝再射鴈樓染焚襲尾及諸營

殺掠千餘人辛卯旦退屯逍遙園壬辰將軍麴鑿自阿城帥眾五千救長安癸巳染引還鑿之與曜遇於零武鑿兵大敗

零武縣屬魏咸陽郡

曜恃勝而不設備十一月麴允引兵襲之漢兵大敗殺其將軍喬智明曜引歸平陽十二月曜圍河南尹魏浚於石梁兖州刺史劉演河內太守郭默遣兵殺之曜分兵逆戰於河北敗之浚夜走獲

而殺之

二年甲戌夏六月漢寇長安索綝大破之

正月漢主聰以中山王曜為大司馬五月曜與趙染寇長安六月

曜屯渭汭染屯新豐索綝將兵出拒之染有輕綝之色長史魯徽

諫之不聽綝與戰于城西染兵敗而歸遂殺徽曜染復與將軍殷

凱帥眾數萬向長安麴允逆戰於馮翊允敗收兵夜襲凱營凱敗

死曜乃還攻河內太守郭默于懷列三屯圍之默食盡送妻子為

質請糴於曜糴畢復嬰城固守曜怒沉默妻子于河而攻之默欲

投李矩於新鄭矩使其甥郭誦迎之兵少不敢進會劉琨遣參軍

張肇帥鮮卑五百餘騎詣長安道阻不通還過矩營矩說肇使擊

漢兵漢兵望見鮮卑不戰而走默遂率眾歸矩漢主聰召曜還屯

蒲坂秋趙染攻北地麴允拒之染中弩而死

三年漢建元元乙亥冬十月漢寇馮翊陷之

六月曜攻上黨八月癸亥敗劉琨之眾於襄垣曜欲進攻陽而漢

主聰遣使謂之曰長安未平宜以為先曜乃還屯蒲坂秋九月曜

寇北地詔以麴允為都督以禦之冬十月以索綝督官城諸軍事

曜進拔馮翊太守梁肅犇萬年曜轉寇上郡麴允去黃白城軍于

靈武以兵弱不敢進帝屢徵兵於丞相保不即發麴允欲奉帝往

就保索綝不可乃止

秋七月漢劉曜陷北地進至涇陽

曜圍北地太守麴昌大都督麴允將步騎三萬救之曜遶城縱火

煙起蔽天使反間給允曰郡城已陷往無及也眾懼而潰曜追敗

允於碯石谷允犇還靈武曜遂取北地進至涇陽渭北諸城悉潰
冬十一月漢劉曜陷長安帝出降

八月曜進軍逼長安諸郡兵救長安者屯霸上皆畏漢兵強不敢
進相國保遣胡崧將兵入援擊曜于靈臺破之崧恐國威復振則
麴索勢盛乃帥城西諸郡兵屯渭北不進遂還槐里曜攻陷長安
外城麴允索綝退保小城以自固內外斷絕城中甚饑冬十一月
帝使侍中宗敞送降箋於曜甲午敞至曜管乙未帝出降曜焚襯
受壁使宗敞奉帝還宮丁酉遷帝及公卿以下於其營辛丑送至
平陽漢主聰以曜為假黃鉞大都督督陝西諸軍事大宰封秦王
明年聰弒帝於平陽

元帝大興元年戊寅秋七月漢主聰卒太子粲立八月斬準弒而代之

石勒引兵討準冬十月劉曜自立於赤壁

七月漢主聰徵曜為丞相錄尚書受遺詔輔政曜固辭乃以曜為
丞相領雍州牧癸亥聰卒太子粲嗣位八月粲治兵於上林謀討
石勒以丞相曜為相國都督中外諸軍事仍鎮長安斬準作亂勒
執粲殺之劉氏男女無少長皆斬東市準自號漢天王遣使奉表
建康相國曜聞亂自長安赴之石勒率眾討準據襄陵北原準數
挑戰勒堅壁以挫之冬十月曜至赤壁太保呼延晏等自平陽歸
之與太傅朱紀等共上尊號曜即皇帝位改元光初以朱紀領司
徒呼延晏領司空太尉范隆以下悉復本位以石勒為大司馬進
爵趙公勒進攻準於平陽曜使征北將軍劉雅鎮北將軍劉策屯
汾陰與勒共討準

十二月漢討斬準誅之石勒攻拔平陽斬明奔赤壁漢主曜族誅之
斬準使侍中卜泰送乘輿服御請和於石勒勒囚泰送於漢主曜
曜謂泰曰先帝末年實亂大倫司空行伊霍之權使朕及此其功
大矣若早迎大駕者當悉以政事相委况免死乎泰還言之準未
從將軍喬泰等相與殺準推斬明為主遣小泰奉傳國六璽降漢
石勒大怒進攻明明出戰大敗遣使求救於漢漢主曜使劉雅劉
策迎之明帥平陽士女萬五千人奔漢曜西屯粟邑收斬氏男女
無少長皆斬之

晉記贊曰中朝不競蠻狄爭衡塵飛五嶽霧掩三精狡焉君氏怙

亂窮兵流災肆慝剽邑屠城始自羣盜終假鴻名勿謂凶醜亦曰時英石虎篡奪淫虐播毒身喪國泯其由禍盈

成李據蜀章

學海君道部卷之一百六十五

創業類四十

偽命分爭二

晉末十六國篇二

石勒據襄國稱後趙章

高祖明皇帝石勒上黨武鄉羯人

通鑑曰石勒上黨武鄉羯人惠帝大安中并州大饑建威將軍閻
粹說東嬴公騰執諸胡於山東賣充軍實勒亦被掠賣為荏平人
師懼奴懼奇其狀貌而免之懼家隣於馬牧勒乃與牧帥汲桑往
來勒以能相馬自託于桑而傭于武安臨水為遊軍所囚會軍人
逐鹿得免勒遂招集王陽夔安支雄冀保吳豫劉膺桃豹遂明等

八騎爲羣盜後郭敷劉徵等赴之號爲十八騎復東如赤龍綠驥諸苑中乘苑馬遠掠繒寶以賂汲桑永興甲子成都王穎逼遷天子關東所在兵起皆以誅穎爲名河澗王顥乃奏議廢穎是歲劉淵稱漢王乙丑七月穎旣廢河北人多憐之穎故將公師藩等自稱將軍起兵於趙魏衆至數萬勒與桑帥牧人乘苑馬數百騎以赴之桑始命勒以石爲姓勒爲名焉藩拜勒爲前部隊督從攻平昌公模於鄴模使將軍馮嵩逆戰敗之藩濟自白馬而南濮陽太守荀晞討藩斬之勒與桑亡還苑中桑以勒爲伏夜牙門更帥牧人劫掠郡縣繫囚又招山澤亾命多附勒勒率以應之

晉懷帝永嘉元年丁卯夏五月羣盜汲桑石勒入鄴殺都督新蔡王騰復攻兖州太傅越遣荀晞討之

四月汲桑自稱大將軍聲言爲成都王報仇以勒爲前驅所向克署勒掃虜將軍忠明亭侯遂進軍攻鄴五月桑大破魏郡太守馮嵩長入鄴都督新蔡王騰輕騎出犇爲桑將李豐所殺桑遂燒鄴宮殺士民萬餘人大掠而去濟自延津南克兖州太傅東海王越懼使荀晞王讚等討之勒與桑攻幽州刺史石鈔於樂陵鈔死之乞活田甄率衆五萬救鈔勒逆戰敗甄勒與晞等相持於平原陽平間數月大小三十餘戰互有勝負

秋七月荀晞擊汲桑石勒大破之汲桑走死勒降漢

七月己酉朔太傅越屯官渡爲晞聲援八月晞擊汲桑於東武陽大破之桑與勒收餘衆將犇劉淵冀州刺史丁紹邀之於赤橋又破之桑犇馬牧勒奔樂平桑尋爲田甄等兵所殺時胡部大張匄

督馮莫突等擁眾數千壁于上黨勒往從因說胄督等曰劉單于舉兵擊晉部大拒而不從自度終能獨立乎曰不能勒曰然則兵馬當有所屬今部落皆已受單于賞募往往聚議欲叛部大而歸單于矣宜蚤爲之計胄督等以爲然隨勒單騎歸漢漢王淵署胄督爲親漢王莫突爲都督部大以勒爲輔漢將軍平晉王以統之烏桓張伏利度有將二千壁于樂平淵屢招不能致勒誘而執之帥其眾歸漢淵加勒督山東征討諸軍事以伏利度之眾配之

二年戊辰春正月漢石勒劉聰據太行石勒擊趙魏王浚破之

正月漢王淵遣勒與十將東下趙魏二月勒寇常山王浚擊破之九月勒與王弼寇鄴守將和郁棄城走詔王堪屯東燕以拒勒十月淵遣使授勒持節平東大將軍校尉都督王如故

十二月漢石勒劉靈寇魏汲頓丘

石勒與劉靈帥眾三萬寇魏郡汲郡頓丘百姓望風降附者五十餘壘皆假壘主將軍都尉印綬簡其強壯五萬爲軍士老弱安堵如故勒執魏郡太守王粹於三臺殺之進攻趙郡殺冀州西部都尉馮冲乞活赦亭田禪于中丘皆殺之淵授勒安東大將軍

開府置官屬

三年己巳夏四月漢石勒寇鉅鹿常山

勒寇鉅鹿常山眾至十萬餘集衣冠人物別爲君子營石勒起于

而能如此此其所以趙郡張賓爲謀主刁鷹爲股肱夔安孔萇支

雄桃豹遂明爲爪牙其將張斯率騎詣并州山北諸郡縣說諸胡羯以安危諸胡懼勒威名多附之進軍常山分遣諸將攻中山博

陵高陽諸縣降者數萬人王浚使其將祁弘與鮮卑段務勿塵擊
 勒于飛龍山大破之勒退屯黎陽分命諸將攻諸郡縣未下及叛
 者降三十餘壁置守宰以撫之十一月勒寇信都殺冀州刺史王
 斌王浚自領冀州朝廷詔王堪裴憲將兵討勒勒引兵還拒之次
 於黃牛壘魏郡太守劉矩以郡降勒勒至黎陽裴憲棄軍奔淮南
 王堪退保蒼垣城在陳留漢王淵投勒鎮東大將軍封汲郡公持
 節都督王如故勒固讓公不受與閻巖攻睹園苑市二壘陷之巖
 中流矢死勒并統其眾

四年庚午春正月漢寇徐豫冀諸郡

正月勒潛濟河拔白馬王彌以三萬眾會之共寇徐豫兖州二月
 勒襲甄城殺兖州刺史袁孚遂拔蒼垣殺王堪復北濟河攻冀州
 諸郡民從之者九萬餘口復南濟河滎陽太守裴純犇於建鄴時
 劉聰攻河內七月勒率其眾會聰等圍河內太守裴整於懷詔遣
 將軍宋抽救懷勒與王桑逆擊抽殺之河內人執整以降漢王淵
 卒聰嗣位以勒為征東大將軍并州刺史汲郡公持節開府都督
 校尉王如故勒固辭將軍乃止

冬十月漢石勒擊并王如兵遂寇襄陽

十月漢河內王粲寇洛陽勒率騎二萬會于大陽敗監軍裴邈于
 澠池遂長驅入洛川粲出屯轅轅勒出成臯關圍陳留太守王讚
 於蒼垣為讚所敗退屯文石津將北攻王浚會浚將王甲始帥遼
 西鮮卑萬餘騎敗趙固於津北勒乃燒船棄營引兵濟河軍向栢
 門迎重門輜重至于石門攻襄城太守於繁昌殺之引兵將趣南

陽先是雍州流民王如侯脫嚴疑等聚兵江淮間聞勒之來也懼遣眾一萬屯襄城以拒勒勒擊之盡俘其眾進屯宛北是侯脫據宛王如據穰如素與脫不協遣使重賂勒結為兄弟說勒使攻脫勒攻宛克之嚴疑引兵救宛不及而降勒斬脫囚疑送于平陽盡并其眾軍勢彌盛遂南寇襄陽攻拔江西壘壁三十餘所留刁膺守襄陽自帥精騎三萬還攻王如憚如之盛遂趣襄如知之遣其弟瑯帥騎三萬五千詐言犒軍實欲襲勒勒迎擊滅之復屯江西

大江之西也

十一月東海王越表請討勒帥眾四萬以向許昌次于項

五年辛未春正月漢石勒寇江夏陷之

正月勒謀保據江漢張賓以為不可會軍中饑者大半乃渡沔寇江夏拔之二月勒北攻新蔡王確於南頓進拔許昌殺平東將王

康

夏四月漢石勒追敗越軍於苦縣執王衍等殺之

三月太傅越卒於項眾推王衍為元帥率眾東下夏四月勒帥輕

騎追越之喪及於苦縣

屬陳郡

■ 甯平城大敗晉兵縱騎圍而射之將

士十餘萬人相踐如山無一免者執衍等問以晉故衍具陳禍敗

之由云計不在已且自言少無宦情不豫世事因勸勒稱尊號冀

以自免勒曰君少壯登朝名蓋四海身居重任何可得言無宦情

邪破壞天下非君而誰勒謂孔萇曰吾行天下多矣未嘗見此輩

人當可存乎萇曰彼皆晉之王公終不為吾用勒曰雖然要不可

加以兵刃鋒刃夜使人排墻殺之剖越柩焚其屍曰亂天下者此

人也吾為天下報之世子毗及宗室四十八王皆沒于勒何倫奔

下邳勒因率精騎三萬入自成臯關五月漢主聰遣呼延晏將兵
寇洛陽勒引兵會之未至而洛陽陷劉曜入城遷天子于平陽勒
引兵出轅轅屯許昌聰授勒征東大將軍勒固辭不受

秋九月漢石勒陷蒙城執荀晞及豫章王端

司空荀晞奉豫章王端建行臺於蒙城九月勒攻王讚於陽夏擒
之遂襲蒙城執晞及豫章王端鎖晞項以爲左司馬漢主聰拜勒
征東大將軍幽州牧勒固辭將軍不受

冬十月漢石勒誘王彌殺之

王彌與勒外相親而內相忌劉暉說彌使召曹嶷之兵以圖勒彌
爲書使暉召嶷且邀勒共向青州暉至東阿勒遊騎獲之勒潛殺
暉而彌不知會彌將徐邈高梁輒引所部兵去彌兵漸衰彌聞勒

擒曹嶷心惡之以書賀勒曰公獲荀晞而用之何其神也使勒
公左而彌爲公右天下不足定也勒謂張賓曰王公位重而言卑
其圖我必矣賓因勸勒乘彌少衰誘而取之時勒方與乞活陳午
相攻於蓬關彌亦與劉瑞相持甚急彌請救於勒勒未之許張賓
曰公常不得王公之便今天以王公授我矣陳午小豎不足憂王
公人傑當早除之勒乃引兵擊瑞斬之彌大喜謂勒實親已不復
疑也十月勒請彌燕于巳吾彌將往長史張嵩諫不聽酒酣勒手
斬彌而并其衆表漢主聰彌叛逆聰大怒遣使讓勒專害公輔
有無君之心然猶加勒鎮東大將軍督并幽二州諸軍事領并州
刺史以慰其心荀晞王讚潛謀叛勒勒殺之并晞弟純勒引兵掠
豫州諸郡臨江而還屯於葛坡初勒之爲人所掠賣也與其母王

氏相失劉琨得之并其從子虎送于勒因遺勒書曰將軍用兵如神所向無敵所以周流天下而無用足之地百戰百勝而無尺寸之功者蓋得主則爲義兵附逆則爲賊衆故也成敗之數有似呼吸吹之則寒噓之則溫今相授侍中車騎大將軍領護匈奴中郎將襄城郡公將軍其受之勒報書曰事功殊途非腐儒所知君當違節本朝吾自夷難爲効遣琨名馬珍寶厚禮其使而謝之勒攻滎陽太守李矩矩擊却之

六年

壬申

春二月瑯琊王睿遣將軍紀瞻討石勒於葛陂勒引兵退

石勒築壘於葛陂課農造舟將攻建業瑯琊王睿大集江南之衆於壽春以鎮東長史紀瞻爲揚威將軍都督諸軍以討之會大雨三月不止勒軍中饑疫死者大半聞晉軍將至集將佐議之右長

史刁膺請先送款於睿求掃平河朔以自贖俟其軍退徐更圖之勒愀然長嘯中堅將軍夔安請就高避水勒曰將軍何怯邪孔苩等三十餘將請各將兵分道夜攻壽春斬吳將頭據其城食其粟要以今年破丹陽定江南勒笑曰是勇將之計也各賜鎧馬一匹顧謂張賓曰於君意何如賓曰將軍攻陷京師囚執天子殺害王公妻略妃主擢將軍之髮不足以數將軍之罪奈何復相臣奉乎去年旣殺王彌不當來此今天降霖雨於數百里中示將軍不應留此也鄴有三臺之固西據平陽山河四塞宜北徙據之以經營河北河北旣定天下無處將軍之右者矣晉之保壽春畏將軍往攻之耳彼聞吾去喜於自全何暇追襲吾後爲吾不利邪將軍宜使輜重從北道先發將軍引大兵向壽春輜重旣遠大兵徐還何

憂進退無地乎勒攘袂鼓髯曰張君計是也責刁膺曰君旣相輔
佐當共成大功奈何遽勸乖降此策應斬然素知君怯特相宥耳
於是黜膺爲將軍擢賓爲右長史號曰右侯勒引兵發葛陂遣右
虎帥騎二千向壽春遇晉運船虎將士爭取之爲紀瞻所敗瞻追
奔百里前及勒軍勒軍結陳待之瞻不敢擊退還壽春

夏六月石勒引兵據襄國

石勒自葛陂北行所過皆堅壁清野虜掠無所獲軍中饑甚士卒
相食至東燕聞汲郡河水聚衆數千壁枋頭勒將濟河恐冰邀之
張賓曰聞冰船盡在瀆中未上宜遣輕兵間道襲取以濟大軍大
軍旣濟冰必可擒也七月勒使支雄孔萇自文石津縛筏潛渡取
其船勒引兵自棘津濟河擊冰大破之盡得其資儲軍勢復振遂

前驅至鄴劉演保三臺以自固臨深罕穆等復帥其衆降於勒
將欲攻三臺張賓曰演雖弱衆猶數千三臺險固攻之未易猝拔
捨而去之彼將自潰方今王彭祖劉越石公之大敵也宜先取之
演不足顧也且天下饑亂明公雖擁大兵遊行羈旅人無定制非
所以保萬全制四方也不若擇便地而據之廣聚糧儲西稟平陽
以圍幽并此霸王之業也邯鄲襄國形勝之地請擇一而都之勒
曰右侯之計是也遂進據襄國賓復言於勒曰今吾據此彭祖越
石所深忌也恐城塹未固資儲未廣二寇交至宜亟收野穀且遣
使至平陽且陳鎮此之意勒從之分命諸將攻冀州郡縣壁壘多
降運其穀以輸襄國且表於漢主聰聰以勒爲都督冀幽州并營
四州諸軍事冀州牧進封上黨公

冬十二月王浚攻石勒於襄國大敗而還

廣平游綸張豺擁衆數萬據苑鄉受王浚假署石勒遣夔安支雄等七將攻之破其外壘浚遣督護王昌帥諸軍及遼西公段疾陸眷疾陸眷弟匹磾文鴛從弟末柸部衆五萬攻勒於襄國疾陸眷屯于渚陽勒遣諸將出戰皆爲疾陸眷所敗眷大造攻具將攻城勒衆甚懼勒召將佐謀之曰今城塹未固糧儲不多彼衆我寡外無救援吾欲悉衆與之決戰何如諸將皆曰不如堅守以疲敵待其退而擊之張賓孔萇曰鮮卑之禮段氏最爲勇悍而末柸尤甚其銳卒皆在末柸所今聞疾陸眷刺日攻北城其大將遠來戰鬪連日謂我孤弱不敢出戰意必懈惰宜且勿出示之以怯鑿北城爲突門二十餘道俟其來至列守未定出其不意直衝末柸帳彼必震駭不暇爲計破之必矣末柸敗其餘不攻而潰矣勒從之密爲突門旣而疾陸眷攻北城勒登城望之見其將士或釋仗而寢乃命孔萇督銳卒自突門出擊之城上鼓譟以助其勢萇攻末柸帳不能克而退末柸逐之入其壘門爲勒衆所獲疾陸眷等軍皆退走萇乘勝追擊枕尸三十餘里獲鎧馬五千匹疾陸眷收其餘衆還屯渚陽勒質末柸遣使求和於疾陸眷疾陸眷許之文鴛諫曰今以末柸一人之故而縱垂亾之虜得無爲王彭祖所怨招後患乎疾陸眷不從復以鎧馬金銀賂勒且以末柸爲質而請末柸諸將皆勸勒殺末柸勒曰遼西鮮卑健國也與我素無仇讐爲王浚所使耳今殺一人而結一國之怨非計也歸之必深德我不復爲浚用矣乃厚以金帛報之遣石虎與疾陸眷盟於渚陽結爲兄

第疾陸眷引歸王昌不能獨留亦引兵還薊勒召末杯與之燕飲
誓爲父子遣還遼西末杯在途日嚮南而拜者三由是段氏專心
附勒王浚之勢遂衰游綸張豺請降于勒勒攻信都殺冀州刺史
王象浚復以邵舉行冀州刺史保信都

天台胡氏曰孫武所謂親而離之勒於段氏近之矣然段氏專
心附勒者末杯也若匹磾文鴛則終身與勒抗

愍帝建興元年癸酉夏四月石勒遣石虎攻陷鄴而據之

石勒使石虎攻鄴鄴潰劉演奔廩丘三臺劉氏皆降於勒勒以桃
豹爲魏郡太守以撫之久之以石虎代豹鎮鄴勒攻李暉於上白
斬之王浚復以薄盛爲青州刺史王浚使棗嵩督諸軍屯易水召
段疾陸眷欲與之共擊石勒疾陸眷不至

冬十二月石勒遣使奉表於王浚

王浚謀弒專號劉亮高柔切諫皆殺之士民駭怨而浚矜豪日甚
兵勢益弱石勒欲襲之未知虛實將遣使覘之叅佐請用羊祜陸
抗故事致書於浚勒以問張賓曰浚名爲晉臣實欲廢晉自立但
患四海英雄莫之從耳其欲得將軍猶項羽之欲得韓信也將軍
威震天下今卑辭厚禮折節事之猶懼不信况爲羊陸之抗敵乎
夫謀人而使人覺其情難以得志矣勒曰善十二月勒遣舍人王
子春董肇多齎珍寶奉表于浚曰勒本小胡遭世饑亂流離迤厄
竄命冀州竊相保聚以救性命今晉祚淪夷中原無主殿下州鄉
貴望四海所宗爲帝王者非公復誰勒所以捐軀起兵誅討暴亂
者正爲殿下驅除耳伏願殿下應天順人早登皇祚勒奉戴殿下

如天地父母殿下察勒微心亦當視之如子也又遺棗嵩書厚賂之浚以段陸眷新叛士民多棄已去聞勒欲附之甚喜謂子春曰石公一時豪傑遠有趙魏乃欲稱藩於孤其可信乎子春曰石將軍才力強盛誠如聖旨但以殿下中州貴望威行夷夏自古胡人為輔佐名臣則有矣未有為帝王者也石將軍非惡帝王不為而讓於殿下顧以帝王自有曆數非智力之所取雖疆取之必不為天人之所與故也項羽雖疆終為漢有石將軍之比殿下猶陰精之與太陽是以遠鑒前事歸身殿下此乃石將軍之明識所以遠過於人也殿下又何怪乎浚大悅封子春肇皆為列侯遣使報聘酬之游綸兄統為浚司馬鎮范陽遣使私附於勒勒斬其使以送浚浚雖不罪統益信勒為忠誠無復疑矣

二年^{甲戌}春正月漢石勒復遣使奉表於王浚

正月壬辰王子春等及王浚使者至襄國石勒匿其勁卒精甲廩師虛府以示之北面拜使者而授書浚遺勒麈尾勒陽不敢執懸之於壁朝夕拜之曰我不得見王公見其所賜如見公也復遣董肇奉表于浚期以三月中旬親詣幽州奉上尊號亦修箋于東高求并州牧廣平公勒問浚之政事於王子春子春曰幽州去歲大水人不粒食浚積粟比萬不能賑贍刑政苛酷賦役殷繁忠賢內離夷狄外叛人皆知其將亾而浚意氣自若曾無懼心方更置立臺閣布列百官自謂漢高魏武不足比也勒拊几笑曰王彭祖真可擒也浚使者還齎具言石勒寡弱款誠無二浚大悅益驕隋不復設備

尹氏曰綱目兩書石勒奉表於浚一以見勒之詐一見浚之愚也

三月漢石勒襲薊陷之殺王浚薊降於段匹磾
石勒纂嚴將襲王浚而猶豫未發張賓曰夫襲人者當出其不意今軍嚴經日而不行豈非畏劉琨及鮮卑烏桓為吾後乎勒曰然為之奈何賓曰彼三方智勇無及將軍者將軍雖遠出彼必不敢動且彼未謂將軍便能懸千里取幽州也較期往返不出二旬藉使彼雖有心比其謀議出師吾已還矣且劉琨王浚雖同名晉臣實為仇敵若修箋于琨送質請和琨必喜我之服而快浚之亡終不救浚而襲我也用兵貴神速勿後時也勒曰吾所未了右侯已了之吾復何疑遂以火宵行至柏人殺主簿游綸以其兄統在范

陽恐泄軍謀故也遣使送質于劉琨自陳罪惡請討浚以自効琨大喜移檄州郡稱已與猗盧方議討勒勒走伏無地求孫幽州以自贖今便當遣六修南襲平陽除僭偽之逆類降知死之速羯順天副民翼奉皇家斯乃曩年積誠靈祐之所致也三月勒軍達易水王浚督護孫緯馳遣白浚將勒兵拒之游統擊之浚將佐皆曰胡貪而無信必有詭計請擊之浚怒曰石公來正欲奉戴我爾敢言擊者斬衆不敢復言浚設饗以待之壬申勒晨至薊叱門者開門猶疑有伏兵先驅牛羊數千頭聲言上禮欲塞諸街巷浚始懼或坐或起勒既入城縱兵大掠浚左右請禦之浚猶不許勒升其廳事浚乃走出堂皇勒衆執之勒召浚妻與之並坐執浚立於前浚罵曰胡奴調乃公妻何凶逆如此勒曰公位冠元台手握

強兵坐觀本朝傾覆曾不救援乃欲自尊爲天子非凶逆乎又委任姦貪殘虐百姓賊害忠良毒徧燕土此誰之罪也使其將王勒生以五百騎送于襄國浚自投于水東而出之斬于襄國市勒殺浚麾下精兵萬人浚將佐爭詣軍門謝罪饋賂交錯前尚書裴憲從事中郎荀綽獨不至勒召而讓之曰王浚暴虐徧討而誅之諸人皆來慶謝二君獨與之同惡將何以逃其戮乎對曰憲等世仕晉朝荷其榮祿浚雖凶麤猶是晉之藩臣故憲等從之不敢有貳明公苟不修德義專事威刑則憲等死自其分又何逃哉請就死不拜而出勒召而謝之待以客禮綽勗之孫也勒數朱碩棗高等以納賄亂政爲幽州患責游統以不忠所事斬之籍浚將佐親戚家貲皆至巨萬惟裴憲荀綽止有書百餘表鹽米各十餘斛而已

勒曰吾不喜得幽州喜得二子以憲爲從事中郎綽爲參軍分安流民各還鄉里勒停薊二日焚浚宮殿以故尚書燕國劉翰行州刺史戍薊置守宰而還綽遮擊勒僅而得免勒至襄遣使奉王浚首級獻捷於漢漢以勒爲大都督督陝諸軍事驃騎大將軍東單于增封十二郡勒固辭受二郡而已劉琨請兵于拓跋猗盧以擊漢會猗盧所部雜胡萬餘家謀應石勒猗盧悉誅之不果赴琨約琨知石勒無降意乃大懼上表曰東北八州勒滅其七先朝所授存者惟臣勒據襄國與臣隔山旦發夕至城塢駭懼雖懷忠憤力不從願耳劉翰不欲從石勒乃歸段匹磾匹磾遂據薊城左丞相睿以邵續爲平原太守

初王浚以邵續爲樂陵太守屯厭次浚敗續附于勒幽州刺史段

匹磾以書邀續同歸左丞相睿是為東晉元帝遣使至江東睿以續為平

原太守勒聞之遣兵圍續匹磾使其弟文鴛救之勒引兵去

夏六月漢石勒命州郡閱實戶口

四年丙子春二月石勒寇廩丘陷之勒使石虎攻劉演于廩丘段匹磾使文鴛救之虎拔廩丘演奔文鴛軍虎獲演弟啓以歸

冬十一月石勒寇樂平劉琨救之太敗樂平遂陷十二月劉琨長史以并州叛降石勒琨奔薊石勒以李回為高陽守

十一月勒圍樂平太守韓據于坵城縣屬上黨劉琨遣箕澹等救之勒逆擊破之據請救於劉琨琨新得拓跋猗盧之眾欲因其銳氣以討勒箕澹衛雄諫琨不從悉發其眾命澹帥步騎二萬為前驅琨

也廣牧縣屬新興郡勒以孔萇為前鋒都督令三軍後出者斬勒

要設疑兵於山上前設二伏中勒前後夾擊澹軍大破之獲鎧馬萬計澹雄帥騎千餘奔代郡據棄城走并土震駭十二月司空萇

史李弘以并州降劉琨萇依段匹磾勒分徙陽曲樂平民于襄國置守宰而還孔萇攻箕澹于代郡殺之據載記萇攻澹於桑乾則此代郡乃後魏之代

郡非漢晉之代郡也萇等攻賊帥馬嚴馮睹久而不克司冀并交流民數萬

戶在遼西迭相招引民不安業勒問計於張賓賓曰馮睹本非公仇流民亦皆戀本今班師振旅選良牧守使招懷之則幽冀之寇

可不日而清遼西流民相率而至矣勒乃召萇等歸以武遂令李回為易北督護兼高陽太守馬嚴士卒素服回威德多叛嚴歸之

嚴懼而出走赴水死馮睹帥其眾降回徙居易京流民歸之者相

繼於道

元帝建武元年丁丑夏六月祖逖取譙城漢石虎入寇逖擊走之

三月瑯琊王睿卽晉王位于建康豫州刺史祖逖旣降樊雅入譙城勒遣石虎圍譙王含復遣桓宣救之虎解去晉王傳檄天下稱石虎敢帥犬羊渡河縱毒今遣琅琊王哀等九軍進討受祖逖節度秋七月段匹磾推劉琨爲大都督檄其兄疾陸眷及弟末柰等會于固安共討勒末柰說疾陸眷等引兵還匹磾亦還薊

太興元年戊寅夏五月青州刺史曹嶷叛降石勒

三月晉王卽皇帝位司徒荀組在許昌逼於勒帥其屬數百人渡河初曹嶷附漢主聰旣據青州乃叛漢遣使進建康降又以建康懸遠勢援不接復與勒相結勒授嶷青州牧封琅琊公

秋七月漢主聰卒太子燦立八月靳準弒而代之石勒引兵討準

十月劉曜自立於赤壁封勒爲趙公

七月漢主聰寢疾徵勒爲大將軍錄尚書事受遺詔輔政勒固辭乃以勒爲大將軍領幽冀二州牧勒辭不受聰卒太子燦立八月燦治兵於上林謀勒會靳準作亂殺燦曜聞之自長安赴之勒帥精兵五萬以討準據襄陵北原襄陽在平陽東南準數挑戰勒堅壁以挫

之十月劉曜卽位于赤壁在河南皮氏縣以勒爲大司馬大將軍加九錫

增封十郡進爵爲趙公進攻準于平陽平陽太尹周置等帥雜戶六千降于勒巴帥諸羌羯降者十餘萬落勒皆徙之于所部郡縣十一月靳準使侍中卜泰送乘輿服御請和于勒勒與漢主曜競有招懷之計乃囚泰送于曜使知城內無歸曜之意以挫其軍勢

曜潛與泰盟使還平陽宣慰諸屠石勒疑泰與曜有謀欲斬泰以
速降勒之諸將皆曰今斬上泰準必不復降就令泰宣漢要盟於
城中使相率誅斬準必懼而速降矣勒久乃從諸將議遣之泰入
平陽準將喬泰靳康等相與殺準推靳明爲主遣上泰奉傳國六
璽降漢勒大怒遣令史羊升使平陽責明殺準之狀明怒斬升勒
怒甚進軍攻明明出戰大敗乃嬰城固守時彭城內史周撫殺沛
國內史周默以沛降於勒

十二月石勒攻拔平陽

石虎帥幽冀之兵會勒攻陽明屢敗帥衆奔漢漢主曜族誅之勒
焚平陽宮室收漢主燦以下葬之置戍而歸

二年趙光初二後春正月石勒獻捷於漢漢斬其使

二月勒遣左長史王修獻捷于漢漢主曜遣兼司徒郭汜授勒大
宰領大將軍進爵趙王增封七郡并前二十郡加殊禮出警入蹕
如曹公輔漢故事拜王修及其副劉茂皆爲將軍封列侯修舍人
曹平樂從修至粟邑因留仕漢言于曜曰大司馬遣修等來外表
至誠內覘大駕強弱俟其復命將襲乘輿時漢兵實疲微曜信之
乃遣汜還斬修于市三月勒還至襄國劉茂逃歸言修死狀勒大
怒曰孤事漢氏於人臣之職有加矣彼之基業皆孤所爲今既得
志還欲相圖趙王趙帝孤自爲之何待于彼耶遂誅曹平樂三族
夏四月將軍陳川以浚儀叛降石勒徐龕以泰山叛降石勒祖逖討
陳川石勒遣兵救之逖退屯淮南

將軍陳川以浚儀叛徐龕以泰山叛俱降于勒豫州刺史祖逖攻

陳川于蓬關勒遣石虎將兵五萬救之戰于浚儀逃兵退屯梁國
勒又遣桃豹將兵至蓬關逃退屯淮南虎徙川部衆五千于襄國
留豹守川故城

石勒寇幽州陷之段匹磾奔樂平

勒遣石虎擊鮮卑日六於朔方大破之斬首二萬級俘虜三萬餘
人孔萇攻幽州諸郡悉平段匹磾棄妻子奔樂陵依邵續曹嶷遣
使賂勒請以河爲境勒許之

嶷已沿河置戍矣今賂勒請以河爲境者懼勒之侵已也

冬十一月石勒稱趙王

左右長史張敬張賓左右司馬張屈六程遐等勸勒稱尊號勒不
一月將佐等復請勒稱大將軍大單于領冀州牧趙王依漢

在蜀魏武在鄴故事以河內等二十四郡爲趙國太守皆爲

山史準禹貢復冀州之境

時以河內魏汲頓丘平原清河鉅鹿

渤海河間上黨定襄范陽漁陽武邑燕國樂陵二十四郡爲趙國

準禹貢魏武復冀州之境南至孟津西達龍門東至于河北至塞

垣以大單于鎮撫百蠻罷并朔司三州通置部司以監之勒許之

戊寅卽趙王位大赦依春秋時列國稱元年勒以續咸爲律學祭

酒支雄王陽領門臣祭酒專主胡人辭訟重禁胡人不得陵侮衣

冠華族遣使循行州郡勸課農桑朝會始用天子禮樂衣冠儀物

從容可觀矣加張賓大執法專總朝政以石虎爲單于元輔徙平

陽賜爵中山公張賓任遇優顯羣臣莫及而謙虛敬慎開懷下士

屏絕阿私以身帥物入則盡規出則歸美勒甚重之每朝常爲之
正容貌簡辭令呼曰右侯而不敢名

三年庚辰春二月後趙寇冀州執刺史邵續

春正月段末杯攻破段匹磾匹磾與邵續追擊末杯大破之匹磾與弟文鴛攻薊匹磾奔邵續薊為石氏所取後趙王勒知續勢孤遣中山公虎

將兵圍厭次孔萇攻續別營十一皆下之二月續自出擊虎虎伏騎斷其後遂執續使降其城續呼兄子竺等奉匹磾為主以堅守

匹磾自薊還未至厭次聞續已沒衆懼而散復為虎所遮文鴛以親兵數百力戰始得入城與續子緝兄子存竺等嬰城固守虎送

續於襄國勒以為忠釋而禮之以為從事中郎因下令自今克敵獲士人毋得擅殺必生致之勒禮續而終於殺續所以令生致士人者不過欲使之從已耳

夏五月後趙寇河南鑑

前趙將尹安宋始宋恕趙慎四軍屯洛陽叛降後趙後趙將石生引兵赴之安等復叛降司州刺史李矩李矩使潁川太守郭默將

兵入洛石生虜安始一軍北渡河於是河南之民皆相帥歸矩洛

陽遂空五月羊鑒討徐龕頓兵下邳不敢前徐州刺史蔡豹敗龕於檀丘龕求救于後趙後趙主勒遣其將王伏都救之又使張敬

將兵為之後繼勒多所邀求而伏都淫暴龕患之張敬至東平龕疑其襲已乃斬伏都等三百餘人復來建康請降勒大怒命張敬

據險以守之據險守險欲持久以弊之也朝廷惡龕反覆不受其降勅鑒豹以

時進討鑒猶疑憚不進刁協劾奏除名以蔡豹代領其兵六月孔萇攻段匹磾恃勝而不設備文鴛襲擊大破之

秋七月後趙兵退走祖逖進屯雍丘

祖逖將韓潛與桃豹分據陳川故城豹居西臺潛居東臺豹由南門潛由東門出入相守四旬別將劉夜堂以驢十頭運糧饋豹逖

使韓潛邀擊盡獲之豹宵遁屯東燕城縣屬陳留郡逖鎮雍丘數遣兵

邀擊趙兵趙鎮戍歸逖者甚多逖皆結以恩禮河上諸塢先在任

子在後趙者皆聽兩屬塢主皆感恩自河以南多叛趙歸于晉逖

練兵積穀為取河北之計勒患之乃下幽州為逖修祖父墓置守

冢二家因與逖書求通使及互市逖不報書而聽互市逖牙門童

建殺新蔡內史周密降于勒勒斬之送首於逖曰叛臣逃吏吾之

深仇將軍之惡猶吾惡也逖深德之自是後趙人叛歸逖者逖皆

不納禁諸將不許侵暴後趙之民邊境之間稍得休息

天台胡氏曰祖逖聽河上諸塢兩屬此用間之智也然石勒為

逖修祖父墓斬童建而送其首亦所以懈逖摧鋒越河之心

八月蔡豹與徐龕戰敗伏誅龕遂降後趙

後趙王勒遣中山公虎帥步騎四萬擊徐龕龕送妻子為質

勒許之蔡豹屯下城石虎將擊之豹退守下邳為徐龕所敗虎引

兵入城封兵而旋徙士族三百家置襄國崇仁里置公族大夫以

領之

後趙定九品舉六科

後趙王勒用法甚嚴諱胡尤峻宮殿既成初有門戶之禁有醉胡

乘馬突入止車門勒大怒責宮門小執法馮翥翥惶懼忘諱對曰

向有醉胡乘馬馳入甚呵禦之而不可與語勒笑曰胡人正自難

與言恕而不罪勒使張賓領選初定五品後更定九品命公卿及

州郡歲舉秀才至孝廉清賢良直武厲之士各一人

天台胡氏曰石勒立國粗有綱紀石虎繼之無復有是

四年^{辛巳}春三月後趙陷幽冀并州段匹磾死之

中山公虎攻段匹磾於厭次孔萇攻其統內諸城悉拔之段文鸯帥壯士數十騎出戰力屈被執匹磾欲單騎歸晉邵續之弟樂安內史洎勒兵不聽洎遂與兄子緝等輿櫬出降匹磾見虎不屈趙王勒及虎素與匹磾結為兄弟虎起拜之勒以匹磾為將軍鴛為郎將散諸流民三萬餘戶復其本業置守宰以撫之於是幽冀并三州皆入於後趙匹磾不為勒禮久之與文鴛邵續皆為後趙所殺

秋九月後趙以李陽為都尉

後趙王勒悉召武鄉耆舊詣襄國與之共坐歡飲勒微時與李陽隣居數爭漚麻池相毆陽由是獨不敢來勒曰陽壯士也漚麻布

不之恨孤方兼容天下豈讐匹夫乎遽召與飲引陽臂曰孤

厭卿老拳卿亦飽孤毒手因拜參軍都尉

永昌元年^{壬午}秋七月後趙拔泰山殺徐龕

後趙王勒遣中山公虎將精兵四萬擊徐龕龕堅守不戰虎築長圍守之七月虎拔泰山執徐龕送襄國殺之阬其降卒三千人兗州刺史郗鑒鎮鄒山為趙兵所逼退屯合肥徵拜尚書徐兗間諸塢多降於勒勒置守宰以撫之

冬十月後趙寇譙祖約退屯壽春

初祖逃卒第約代之後趙屢寇河南拔襄城城父圍譙約不能禦退屯壽春勒遂取陳留梁鄭之間復騷然矣十一月元帝崩

明帝大寧元年^{癸未}春三月後趙寇彭城下邳

秋八月後趙寇青州陷之

四月趙王勒追使結好於慕容廆廆執送建康八月中山公虎帥

步騎四萬擊安東將軍曹嶷青州郡縣多降之遂圍廣固在青州益都縣

西嶷出降送襄國殺之阮其眾三萬以青州刺史劉徵鎮廣固

二年甲申春正月後趙陷東莞東海攻趙河南斬其守將

後趙將兵都尉石瞻寇下邳彭城取東莞東海晉武分琅邪立東莞郡兗州

刺史劉遐退保泗州刺史石生擊前趙河南大守尹平於新安

縣屬河南郡斬之掠五千餘戶而歸自是二趙構隙日相攻掠河東弘

農之間氏不聊生矣石生寇許潁浮獲萬計攻郭誦于陽翟誦與

戰大破之生退守康城在陽翟縣汲郡內史石聰聞生敗馳救之進攻

晉司州刺史李矩頰川太守郭默皆破之

三年甲申春二月許昌叛降後趙夏五月後趙石生寇河南司州降趙

趙主曜擊生大敗司豫徐兗皆陷於後趙

二月趙王勒加宇文乞得歸官爵使之擊慕容廆廆遣其子皝等

逆擊大破之三月北羗王盆句除附於前趙勒將石陀自鴈門出

上郡襲之俘三千餘落獲牛馬羊百餘萬而歸前趙主曜遣中山

王岳追之戰於河濱斬陀勒兵死者六千餘人四月石瞻攻晉兗

州刺史檀斌於鄒山殺之西夷中郎將王騰襲殺并州刺史崔琨

上黨內史王脊據并州降前趙夏五月石生屯洛陽寇掠河南司

州刺史李矩頰川太守郭默軍數敗又乏食乃遣使附於前趙前

趙主曜使中山王岳將兵萬五千人趣孟津呼延謨帥荆司之眾

自嶠嶓而東欲會矩默共攻石生岳進圍石生于金墉中山公虎

帥步騎四萬入自成臯關與岳戰于洛西岳兵敗退保石梁虎作
塹柵環遏絕內外岳衆饑甚殺馬食之虎又擊呼延謨斬之曜自
將兵救岳虎帥騎三萬逆戰曜屯于金谷夜軍中無故大驚士卒
奔潰遂歸長安六月虎拔石梁擒岳及其將佐八十餘人氏羗三
千人皆送襄國阮其士卒九千人遂攻王騰於并州執騰殺之阮
其士卒七千餘人郭默復爲石聰所敗棄妻子南奔建康李矩將
士陰謀叛降于勒矩不能討亦帥衆南歸衆皆道亾惟郭誦等百
餘人隨卒於魯陽矩長史崔宣帥其餘衆二千降于後趙於是司
豫徐兗之地率皆入於後趙以淮爲境矣七月明帝崩成帝卽位
成帝咸和元年丙戌春三月

後趙主勒夜微行檢察諸營衛齎金帛以賂門者求出永昌門候
王假欲收捕之從者至乃止旦召假以爲振忠都尉爵關內侯勅
召記室叅軍徐光光醉不至黜爲牙門光侍直有愠色勒怒并其
妻子囚之

夏四月後趙石生寇汝南執內史祖濟

冬十月後趙使世子弘守鄴

後趙王勒用程遐之謀營鄴宮使世子弘鎮鄴配禁兵萬人車騎
所統五十四營悉配之以驍騎將軍領門臣祭酒王陽專統六夷
以輔之中山公虎自以功多無去鄴之意及修三臺遷其家室虎
由是怨程遐

十一月後趙寇壽春歷陽內史蘇峻擊走之

後趙石聰攻壽春祖約屢表請救朝廷不爲出兵聰遂寇遂道阜

陵殺掠五千餘人建康大震蘇峻遣其將韓晃擊走之朝議欲作
涂塘以遏胡寇祖約曰是棄我也益懷憤志

十二月下邳叛降後趙

濟岷太守劉闔等殺下邳內史夏侯嘉以下邳叛降于後趙石瞻
攻河南太守王瞻于邾拔之彭城內史劉續復據蘭陵石城石瞻
攻拔之

後趙始定九流立秀孝試經之制

後趙王勒以牙門將王波爲記室叅軍典定九流始立秀孝試經
之制

二年丁亥冬後趙擊代敗之鑑

後趙中山公虎擊代王紇那戰于句注陞北紇那兵敗徙都大冪

以避之是冬蘇峻與祖約舉兵反

三年後趙太和元年戊子秋七月後趙攻壽陽祖約衆潰奔歷陽

四月後趙將石堪攻宛南陽太守王國降之遂進攻祖約軍于淮
上約將陳光起兵攻約不克奔于堪五月溫嶠陶侃入討蘇峻峻
遷帝于石頭六月祖約爲陶侃將毛寶所敗約諸將陰與後趙通
謀許爲內應後趙將石聰石堪引兵濟淮攻壽春七月約衆潰奔
歷陽聰等虜壽春二萬餘戶而歸

八月後趙攻趙蒲阪趙主曜擊破走之遂攻金墉

中山公虎帥衆四萬自軹關西入擊前趙河東應之者五十餘縣
遂進攻蒲阪前趙主曜自將救之自關北濟虎懼引退曜追之八
月及於高侯大與虎戰大破之虎奔朝歌曜圍石生于金墉分遣

諸將攻汲郡河內勒滎陽太守尹矩野王太守張進等皆降之襄國大震

冬十二月後趙王勒大破趙兵於洛陽獲趙主曜以歸殺之

後趙王勒欲自將救洛陽僚佐程遐等固諫曰劉曜懸軍千里勢

不久支大王不宜親動動無萬全勒大怒按劍叱遐等出乃赦徐

光徐光先爲勒所囚召而謂之曰劉曜乘一戰之勝圍守洛陽庸人之情

皆謂其鋒不可當曜帶甲十萬攻一城而百日不克師老卒怠以

我初銳擊之可一戰而擒也若洛陽不守曜必送死冀州自河以

北席卷而來吾事去矣程遐等不欲吾行卿以爲何如對曰劉曜

乘高候之勢不能進臨襄國更守金墉此其無能爲可知也以大

王威略臨之彼必望旗奔敗平定天下在今一舉不可失也勒笑

曰光言是也乃使內外戒嚴有諫者斬命石堪石聰及豫州刺史

桃豹等各統見衆會滎陽中山公虎進據石門在敖城之西北勒自統步

騎四萬趣金墉濟自大塌在延津縣勒謂徐光曰曜盛兵成臯關上策

也阻洛水其次也坐守洛陽此成擒耳十二月乙亥後趙諸軍集

于成臯步卒六萬七千勒見曜無守兵大喜舉手指天復加額曰

天也捲甲銜枚詭道兼行出于鞏訾之間鞏縣屬河南郡前趙主

曜聞勒已濟河始議增滎陽戍杜黃馬關俄而洛水候者與後趙

前鋒交戰擒羯送之曜問大胡自來邪其衆幾何羯曰王自來軍

勢甚盛曜色變使攝金墉之圍陳于洛西衆十餘萬南北十餘里

勒望見益喜謂左右曰可以賀我矣勒帥步騎四萬入洛陽城已

卯中山公虎引步卒三萬自城北而西攻趙中軍石堪石聰等各

以精騎八千自城西而北擊趙前鋒大戰于西陽門勒躬貫甲胄
出自閭闔門夾擊之曜飲酒出戰至西陽門揮陳就平石堪因而
乘之曜兵大潰曜昏醉退走為堪所執勒遂大破趙兵斬首五萬
餘級下令曰吾所欲擒者一人耳今已獲之其勅將士抑鋒止銳
縱其歸命之路曜見勒曰石王頗憶重門之盟否勒使徐光謂之
曰今日之事天使其然復云何耶乙酉勒班師使石邃將兵衛送
曜勒至襄國使曜與其子熙諭令速降曜勅熙困守勒久之乃殺
曜

四年後趙太和二年巳丑春正月趙太子熙奔上邽後趙取長安

正月祖約為晉將甘苗所攻夜帥左右數百人奔勒前趙太子熙
聞曜被擒大懼與南陽王胤謀西保秦州遂帥百官奔上邽諸征

鎮亦皆棄所守從之關中大亂將軍蔣英辛恕擁眾據長安遣使
降於後趙勒遣石生帥洛陽之眾赴之

秋八月後趙石虎攻拔上邽殺趙太子熙遂取秦隴

前趙南陽王胤帥眾數萬自上邽趣長安隴東諸郡皆起兵應之
胤軍于仲橋石生嬰城自守中山公虎帥騎二萬救之九月虎大
破胤兵于義渠胤奔還上邽虎乘勝追擊上邽眾潰虎執熙胤及
其將佐王公卿校以下三千餘人皆殺之徙其臺省文武關東流
民秦雍大族九千餘人於襄國又阬五部屠各五千餘人于洛陽
進攻集木且羗于河西克之屠各匈奴種前趙之族類也五部屠各即匈奴五部之眾集木且羗種落
之俘獲數萬秦隴悉平氏王蒲洪羗酋姚弋仲俱降于虎是歲代
王翳懷遣其弟為質以請和

五年

後趙建平元年庚寅

春二月趙王勒稱趙天王

二月後趙羣臣請趙王即皇帝位勒乃稱大趙天王行皇帝事文武封拜各有差勒以程遐姚弋仲之言收祖約并其親屬百餘人悉誅之趙將劉微帥眾數千浮海抄東南諸縣殺南沙都尉許儒涼州牧張駿因前趙之亡復收河南地于狄道與趙分境六月趙王勒遣鴻臚孟毅拜駿涼州牧駿耻為之臣不受留毅不遣

秋九月趙王勒稱皇帝

後趙羣臣固請正尊號九月趙王勒即皇帝位大赦改元建平文武封進各有差

六年

趙建平二年辛卯

夏趙舉賢良方正起明堂辟雍靈臺

後趙主勒如鄴將營新宮廷尉上黨續咸苦諫勒怒欲斬之中書令徐光曰咸言不可用亦當容之奈何一旦以直言斬列卿子歎曰為人君不得自專若是乎匹夫家貲滿百匹猶欲市宅况富有四海乎此宮終當營之且勅停作以成吾直臣之氣因賜咸絹百匹稻百斛又詔公卿以下歲舉賢良方正仍命舉人得更相薦引以廣求賢之路起明堂辟雍靈臺于襄國城西天台胡氏曰史言石勒能矯其獷悍之習而修文

秋九月趙營鄴宮

後趙主勒復營鄴宮以洛陽為南都置行臺

七年

趙建平三年壬辰

春正月趙大饗羣臣

後趙主勒大饗羣臣謂徐光曰朕可方自古何等主對曰陛下神武謀略過於漢高後世無可比者勒笑曰人豈不自知卿言太過

朕若遇漢高祖當北面事之與韓彭比肩若遇光武當並驅中原
未知鹿死誰手大丈夫行事宜礪礪落落如日月皎然終不效曹
孟德司馬仲達欺人孤兒寡婦狐媚以取天下也羣臣皆頓首稱
萬歲勒雖不學好使諸生讀書而聽之時以其意論古今得失聞
者莫不悅服嘗使人讀漢書聞酈食其勸立六國後驚曰此法當
失何以遂得天下及聞留侯諫乃曰賴有此耳

胡氏曰石勒謂人豈不自知信矣而未知知人之不易也光武
之於漢高猶武王之於文王也勒謂遇高祖卽與漢韓彭比肩
遇光武則當並驅中原是以光武爲韓彭之流豈知光武者哉
趙命太子弘省可尚書奏事

徐光宅曰承間言於勒曰今國家無事而陛下若有不怡何也勒
曰吳蜀未平恐後世不以吾爲受命之主光曰陛下包括二都乎
蕩八州帝王之統不在陛下復當在誰且陛下不憂腹心之疾而
更憂四肢乎中山王資性不仁臣恐陛下萬年後不可復制也勒
默然始命太子弘省可尚書奏事

八年

趙建平
四癸巳

春趙遣使來修好詔焚其幣

尹氏曰晉氏立國江左淹奄略無振起之氣獨至石勒遣使乃能
詔焚其幣是舉差疆人意大書於冊蓋幸之也

秋七月趙王勒卒

晉書載記史臣曰夫拯溺救焚帝王之師也窮凶騁暴戎狄之舉
也蠢茲雜種自古爲虞限以塞垣猶懼侵軼况乃入居中壤窺我
王政乘弛紊之機覩危亾之隙而莫不嘯羣鳴鏑汩亂天常者乎

石勒出自羗渠見奇醜類閭鞮上黨季子鑒其非比倚洛城甫識其爲亂及惠皇失統宇內崩離遂乃招聚愷徒乘間煽禍虔劉我都邑剪害我黎元朝市淪胥若沉航於鯨浪王公顛仆譬遊魂於龍漠豈天厭晉德而假茲妖孽者歟觀其對敵臨危運籌賈勇奇謨間發猛氣橫飛遠唾魏武則風情慷慨近答劉琨則音詞儔儻焚元超於苦縣陳其亂政之讐戮彭祖於襄國數以無君之罪於是跨躡燕趙并吞韓魏仗奇材而竊徽號擁舊都而抗王室褫羗裘襲冠帶釋介冑開庠序隣敵懼威而獻款絕域承風而納貢則古之爲國曷以加諸雖曰凶殘亦一時傑也而託授非所貽厥無謀身殞嗣滅業歸攜養斯乃知人之闇焉

卮言曰石勒始因劉琨以建凶業旣而并之其下過於劉淵而器識不如若聰之暴曜之輕不及勒遠矣宜其卒爲勒所取也勒之有虎猶淵之有聰也非聰虎不能興劉石非聰虎不能滅淵勒二趙若一轍焉

太祖武皇帝石虎勒從子也

石虎勒之從子也初勒之爲人所掠賣也勒與其母王氏及虎相失并州刺史劉琨得之并虎送於勒時虎年十七殘忍無度爲軍中患勒白母曰此兒凶暴無賴使軍人殺之聲名可惜不若白除之母曰快牛爲犢多能破車汝小忍之及長便弓馬勇冠當時勒以爲征虜將軍每屠城邑鮮有遺類然御衆嚴而不繁莫敢犯者指授攻討所向無前勒遂寵任之累功封中山公咸和庚寅二月勒僭稱天王行皇帝事以其子弘爲太子子宏爲大單于虎進爵

爲王虎子邃封齊王虎怒私謂邃曰主上自都襄國以來端拱仰
成以吾身當矢石二十餘年南擒劉岳北走索頭東平齊魯謂滅徐龕

曹嶷也西定秦雍謂滅劉氏降如符也克十有三州成大趙之業者我也大單

于當以授我今乃以與黃吻婢兒念之令人氣塞不能寢食待主

上晏駕之後不足復皆種也癸巳七月勒卒中山王虎宏劫太子

弘使收程遐徐光下廷尉弘讓位于虎虎不受弘乃即位殺程遐

徐光以虎爲丞相魏王甲午冬十一月虎廢弘爲海陽王自稱

天王

於景皇帝李特略陽巴氏也

晉惠帝元康八年戊午秋九月遣侍御史李苾慰勞漢川流民

李特略陽巴氏也詳世系類特與弟羊流皆有材武善騎射性任俠州

黨多附之及齊萬年反關中荐饑略陽天水六郡民流移就穀入

漢川者數萬家道路有疾病窮乏者特兄弟常營護賑救之由是

得衆心流民至漢中上書求寄食巴蜀朝議不許遣侍御史李苾

持節慰勞且監察之不令入劔閣苾至漢中爰流民賂表言流民

十萬餘口非漢中一郡所能賑贍蜀有倉儲人復豐稔宜令就食

朝廷從之由是散在梁益不可禁止特至劔閣太息曰劉禪有如

此地面縛於人豈非庸才耶聞者異之

永康元年庚申冬十一月前益州刺史趙歆反

趙王倫起兵廢賈后自爲相國詔徵益州刺史趙歙爲大兵秋以
耿滕代之歙賈后之姻親也聞徵甚懼且以晉室衰亂陰有據蜀
之志乃傾倉廩賑流民以收衆心特兄弟材武其黨類皆巴西人
與歙同郡厚遇之以爲爪牙特等恃勢聚衆爲盜蜀人患之滕數
密表流民剛剽蜀人懦弱主不能制客必爲亂階宜使還本居若
留之險地恐秦雍之禍更移於梁益矣歙聞而惡之州被詔書遣
文武千餘人迎滕是時成都治少城益州治太城歙猶在太城未
去滕欲入州功曹陳恂諫不從滕帥衆入州歙遣兵逆戰敗死歙
自稱益州牧李庠帥妹壻李含任回上官晶李攀費他氏符成隗
伯等以四千騎歸歙歙以庠爲將軍委以心膂使招合六郡天水略陽
等六郡壯勇至萬餘人以斷北道自關史蜀之道

永寧元年

辛酉

春正月巴氏李特殺趙歙詔以羅尚爲益州刺史

正月李庠驍勇得衆心趙歙浸忌之而未言長史杜淑張粲說歙
曰將軍起兵始爾而遽遣李庠握疆兵於外非我族類其心必異
此倒戈授人也宜早圖之會庠勸歙稱尊號淑粲因白歙以庠大
逆不道引斬之并其子姪十餘人時特兄弟皆將兵在外歙遣人
慰撫之曰庠非所宜言罪應死兄弟罪不相及復以特流爲督將
特流怨歙引兵歸絲竹廡牙門將許奔永爲巴東監軍淑粲固執
不許奔怒手殺淑粲於廡閣下淑粲左右復殺奔歙由是遂衰歙
恐朝廷討之乃遣其長史費遠蜀郡太守李苾督護常俊督萬餘
人斷北道屯絲竹之石亭特密收兵得七千餘人夜襲遠等軍燒
之死者十八九遂進攻成都費遠李苾及軍祭酒張微夜斬關走

文武盡散歆獨與妻乘小船走至廣都爲從者所殺特入成都縱兵大掠殺西夷護軍姜發并歆長史袁合及歆所置守長遣牙門王角李基詣洛陽陳歆罪狀

初梁州刺史羅尚聞趙歆反表歆素非雄才蜀民不附敗亡可待詔拜尚益州刺史督牙門將王敦上庸都尉義歆蜀郡太守徐漢廣漢太守辛冉等七千餘人入蜀特等聞之甚懼其弟驤于道奉迎并獻珍玩尚悅以驤爲騎督特流復以牛酒勞尚于絲竹王敦辛冉說尚曰特等專爲盜賊宜因會斬之不然必爲後患尚不從冉與特有舊謂特曰故人相逢不吉當凶矣特深自猜懼

冬十月李特據廣漢進攻成都

三月尚至成都尋石符下乘乘使召還流民入蜀者又遣御史

馮該張昌督之特兄輔素留略陽託言迎家既至蜀謂特曰中國方亂不足復還特然之累遣闢式詣羅尚求權停至秋又納賂於尚及馮該尚該許之朝廷論討趙歆功拜特寧威將軍弟流奮武將軍皆封侯璽書下益州條列六郡流民與特同討歆者將加封賞廣漢太守辛冉欲以滅歆爲已功寢朝命不以實土衆咸怨之羅尚遣從事督遣流民限七月上道時流民布在梁益爲人傭力聞州郡遺遣人人愁怨不知所爲且水潦方盛年穀未登無以爲行資特復遣闢式詣尚求停至冬辛冉及健爲太守李苾以爲不可冉性貪暴欲殺流民首領取其資貨乃與苾白尚言流民前因趙歆之亂多所剽掠宜因移設關以奪取之尚移書令梓潼太守張演於諸要施關搜索寶貨特素爲流民請留流民皆德而特之

多相帥歸特特乃結大營于縣竹以處流民移冉求自寬冉大怒遣人分榜通衢購募特兄弟許以重賞特見之悉取以歸與弟驥改其購云能送六郡首豪李任闇趙上官及氏叟侯王一首賞百匹於是流民大懼歸特者愈衆特旬月間過二萬人流亦聚衆數千人特又遣闇式詣羅尚求申期式見營柵衝要謀滄流民歎曰民心方危今而速之亂將作矣又知辛冉李苾意不可回乃辭尚還縣竹尚謂式曰子且以吾意告諸流民今聽寬矣式曰明公惑於姦說恐無寬理弱而不可輕者民也今趣之不以理衆怒難犯恐爲禍不淺尚曰然吾不欺子子其行矣式至縣竹言于特曰尚雖云爾然未可信也何者尚威刑不立冉等各擁疆兵一旦爲變亦非尚所能制深宜爲備特從之十月特分爲二營特居北營流

居東營繕甲厲兵戒嚴以待之冉苾相與謀曰羅侯貪而無節一日流民得展姦計李特兄弟並有雄才吾屬將爲所虜矣遂爲決計羅侯不足復問也乃遣廣漢都尉曾元牙門張顯劉並等潛帥步騎三萬襲特營羅尚聞之亦遣督護田佐助元元等至特安臥不動待其衆半入發伏擊之死者甚衆殺田佐曾元張顯傳首以示尚冉尚謂將佐曰此虜成去矣而廣漢不用吾言以張賊勢今若之何於是六郡流民推特行鎮北大將軍承制封拜以其弟流行鎮東大將軍號東督護以相鎮統又以兄輔弟驥皆爲將軍進兵攻冉於廣漢尚遣李苾費遠帥衆救冉畏特不敢進冉出戰屢敗潰圍奔德陽特入據廣漢以李超爲太守進兵攻尚於成都尚以書諭闇式式復書曰辛冉傾巧曾元小豎李叔平非將帥

之才式前爲節下及杜景文論留徙之宜人懷桑梓孰不願之但
往日初至隨穀庸賃一室五分復值秋潦乞須冬熟而終不見聽
繩之太過窮鹿抵虎流民不肯延頸受刃以致爲變卽聽式言寬
使治嚴不過去九月盡集十月進道金達鄉里何有如此載記曰
書責其信用讒構又陳特兄弟立功王室以特以兄輔弟驤子始
寧益土尚覽書知特等將有大志嬰城固守蕩雄及李含含子國離任回李攀攀第恭上官晶任臧楊褒上官
惇等爲將帥闡式李遠等爲僚佐羅尚素貪殘爲百姓患特與蜀
民約法三章施捨賑貸禮賢拔滯軍政肅然蜀民大悅尚頻爲特
所敗乃阻長圍緣郫水作營自都安至犍爲七百里與特相拒求
救於梁寧二州及南夷校尉

大安元年戊戌秋八月廣漢太守張微討李特敗於羅尚擊之亦敗

五月河間王顥遣督護衙博討特軍于梓潼朝廷復以張微爲廣
漢太守軍于德陽南夷校尉李毅又遣兵五千助尚尚遣督護
龜督四千牙門軍于繁城三道攻特特命蕩雄襲博而自將擊龜
破之蕩敗博兵於陽沔梓潼太守張演委城走巴西郡丞毛植五
官襄珍以郡降蕩撫恤初附百姓安之蕩進攻博於葭萌博走其
衆盡降河間王顥更以許雄爲梁州刺史特自稱大將軍益州牧
都督梁益二州諸軍事八月特攻張微微擊破之遂進攻特營蕩
引兵救之山道險陘蕩力戰而前遂破微特欲還涪陽及司馬王
辛諫曰微軍已敗智勇俱竭宜乘銳氣遂禽之特復進攻微殺之
生禽微子存以微喪還之特以其將蹇碩守德陽李驤軍毗橋羅
尚遣軍擊之屢爲驤所敗驤遂進攻成都燒其門李流軍成都之

北尚遣精勇萬人攻驤驤與流合擊大破之還者十一二許雄數遣軍攻特不勝特勢益盛建寧大姓李叡毛詵逐太守許俊朱提大姓李猛逐太守雍約以應特衆各數萬南夷校尉李毅討破之二年^{癸亥}春二月羅尚大破李特斬之李流代領其衆

正月特潛渡江擊羅尚水上軍皆散走蜀郡太守徐儉以少城降特入據之惟取馬以供軍餘無侵掠赦其境內改元建初羅尚保太城遣使求和於特蜀民相聚爲塢者皆送款於特特遣使就撫之以軍中糧少乃分六郡流民於諸塢就食李流言於特曰諸塢新附人心未固宜質其大姓子弟聚兵自守以備不虞又與特司馬上官停書曰納降如受敵不可易也前將軍雄亦以爲言特怒曰大事已定但當安民何爲更逆加疑忌使之疑叛乎朝廷遣別

州刺史宗岱建平太守孫阜帥水軍三萬以救羅尚岱以阜爲前鋒進逼德陽特遣李蕩及蜀郡太守李璜就德陽太守任臧共拒之岱阜軍勢甚盛諸塢皆有貳志從事任叡言於尚曰李特散衆就食驕怠無備此天亡之時也宜密約諸塢刻期同發內外擊之破之必矣尚從之二月尚遣兵掩襲特營諸塢皆應之特兵大敗斬特及李輔傳首洛陽

成文王名流特弟也特死流代領其衆

李流特之弟初仕晉以武勇舉爲平羌校尉以討趙廞功拜奮威將軍封武陽侯特承制以流爲鎮東大將軍特旣死蜀人多叛流民大懼流與特子蕩及雄收餘衆保赤祖^{在縣}流自稱大將軍大都督益州牧保東營蕩雄保北營時宗岱水軍三萬次于墊江前

鋒孫阜破德陽獲特守將蹇碩太守任臧退屯涪陵縣屬廣漢郡尚遣

督護軍毗橋牙門左汜黃旬何冲三道攻流涪陵民藥紳等亦起

兵流與李驤拒深使蕩雄拒紳何冲乘虛攻北營氏符成隗伯在

營中叛應之蕩母羅氏擐甲拒戰營垂破會流等破深紳引兵還

與冲等戰大破成伯帥其黨突出詣尚流等乘勝進抵成都尚復

閉城自守蕩馳馬逐北中矛而死流以特蕩繼歿宗岱孫阜將至

甚懼李含勸流降流從之李驤李雄迭諫不納五月流遣其子世

及含子胡為質於阜軍胡兄離為梓潼太守聞之自郡馳還欲諫

不及退與雄謀襲阜軍雄曰為今計當如是而二翁不從奈何離

曰當切之耳雄大喜乃共說流民曰吾屬前已殘暴蜀民今一旦

束手便為魚肉惟有同心襲阜以取富貴耳眾皆從之雄遂與離

襲擊阜軍大破之會宗岱卒於墊江今合州地荆州軍遂退流甚慙

是奇雄才軍事悉以任之雄逼攻尚尚保太城

夏六月李雄攻陷郫城

六月雄從帛羊頽渡攻殺汶山太守陳圖遂取郫城七月朔雄入

郫城流盡移營據之蜀民皆保險結塢或南入寧州或東下荆州

城邑皆空野無烟火流虜掠無所得士眾飢乏惟涪陵千餘家依

青城山處士范長生平西叅軍徐舉說羅尚求為汶山太守邀結

長生與共討流尚不許舉怨之求使江西遂降于流流以為安西

將軍舉說長生使資給流軍糧長生從之流軍由是復振

秋九月李流死

流疾篤謂諸將曰驍騎仁明固足以濟大事然前軍英武殆天所

相可共受事於前軍流卒

太宗武皇帝名雄特子流第流死雄代領其眾

李雄特之子特承制以雄為前將軍特死流代領其眾流卒眾推雄為大都督大將軍益州牧治郫城雄使朴泰給羅尚使襲郫城尚信之遣隗伯將兵攻郫雄伏兵縱擊大破之追奔入少城尚乃覺之退保太城李驥攻犍為斷尚運道獲太守龔恢殺之

閏十二月李雄攻走羅尚遂入成都

雄急攻尚軍尚軍無食留牙門張羅守城夜由牛鞞縣在犍郡水東走

羅開門降雄入成都軍士饑甚乃帥眾就穀於郫縣屬廣漢郡掘野芋

而食之甲子春羅尚逃至江陽遣使表狀詔尚權統巴東三郡以

供軍賦

太安三年甲子冬十月李雄自稱成都王是月劉淵自稱漢王

八月雄以西山范長生有名德為蜀人所重欲迎以為君而臣之

長生固辭曰推步人元五行大會甲子祚鍾于李非吾節也諸

因請雄即尊位十月雄即成都王位改元建興除晉法約法七章

以其叔父驥為太傅兄始為太保李離為太尉李國為太宰等官

雄以李國李離有智謀凡事必咨而後行然國離事雄彌謹

光熙元年成晏平元丙寅夏六月成都王雄稱皇帝

三月范長生詣成都雄門迎執板拜為丞相尊之曰范賢六月成

都王雄即皇帝位改元晏平國號大成以范長生為成都太師復

其部曲皆不豫征稅諸將恃恩互爭班位尚書令閻式請考漢晉

故事立百官制度從之

二年^{戊辰}冬十二月成尚書令楊褒卒

成尚書令楊褒好直言成主雄初得蜀用度不足諸將有以獻金銀得官者褒陳曰陛下設官爵當網羅天下英豪何有以官買金邪雄謝之

劉氏曰僭國臣書卒錄賢也苟賢矣雖僭國必錄之

五年^{辛未}春正月成寇陷涪

己巳十月天水人訶琦等殺成太尉李離尚書令閻式以梓潼降羅尚成主雄遣太傅驥司徒雲司空璜攻之不克雲璜戰死初譙周有子居巴西成巴西太守馬脫殺之其子登詣劉弘請兵以復讐弘表登爲梓潼內史使自募巴蜀流民西上攻宕渠斬脫會梓潼太守張浚拔涪城雄自攻之爲登所敗庚午二月成太尉李國鎮

巴西其下文石殺國以巴西降羅尚四月雄謂其將張寶曰汝能得梓潼吾以李離之官賞汝寶乃先殺人而亡奔梓潼訶琦等信之委以心腹會羅尚遣使至梓潼琦等出送之寶從後閉門琦等奔巴西雄以寶爲太尉七月羅尚卒於巴郡詔以素代之十一月成太傅驥攻譙登於涪城羅尚子宇及叅佐素惡登不給其糧益州刺史皮素怒欲治其罪十二月素至巴蜀羅宇使人夜殺素建平都尉暴重殺宇巴郡亂驥知登食盡援絕攻涪愈急士民皆熏鼠食之餓死甚衆無一人離叛者驥子壽先在登所登乃歸之三府官屬表巴東監軍南陽韓松爲益州刺史治巴東壬申正月乙亥成太傅驥拔涪城獲譙登太保始拔巴西殺文石於是成主雄大赦改元玉衡譙登至成都雄欲宥之登詞氣不屈雄殺之二

月氏符成隗文復叛自宜都趨巴東建平都尉暴重討之重因殺
韓松自領三府事三月益州將吏共殺暴重表巴郡太守張羅行
三府事羅與庾文等戰死文等驅掠吏民西降於成三府文武共
表平西司馬蜀郡王異行三府事是年六月漢劉聰陷
洛陽遷懷帝於平陽
天台胡氏曰益州殘兵自不足以進取未及暮年而互易帥適
為秦氏兼并之資耳

愍帝建興三年

甲戌

春正月梁州人張咸逐楊難敵以州降城

癸酉三月西夷校尉向沈率眾推汶山太守蘭維為四夷校尉維
率吏民北出欲向巴東成將李恭費墨邀擊獲之八月氏王楊茂
搜遣其子難敵與楊虎共攻梁州刺史張光憂憤而卒州人推胡
子序領梁州十月難敵攻子序走之自稱刺史甲戌正月楊虎掠

漢中吏民以奔成梁州人張咸等起兵逐楊難敵難敵去咸以
地歸成於是漢嘉涪陵漢中之地皆為成有成主雄以李鳳為梁
州刺史任回為寧州刺史李恭為荊州刺史雄虛已好賢隨才授
任命太傅驥養民於內李鳳等招懷於外刑政寬簡獄無滯囚興
學校置史官其賦民男丁歲穀三斛女丁半之疾病又半之戶調
絹不過數丈綿數兩事少役稀民多富實新附者皆給復除是時
天下大亂而蜀獨無事年穀屢熟乃至閭門不閉路不拾遺漢嘉
夷王冲歸朱提審炤建寧豐冑皆歸之巴郡嘗告急云有晉兵雄
曰吾常憂琅邪微弱遂為石勒所滅以為耿耿不圖乃能舉兵使
人欣然然雄朝無儀品爵位濫溢吏無祿秩取給于民軍無部伍
號令不肅此其所短也

載記史臣曰昔周德方隆古公切踰梁之患漢祚斯永宣后興渡
湟之師是知戎狄亂華爨深自古况乎巴濮雜種厥類實繁資剽
竊以全生習獷悍而成俗李特世傳兇狡早擅梟雄太息劔門志
吞井絡屬晉綱之落紐乘羅侯之無斷騁馬屬犍同聲雲集殲殄
蜀漢薦食巴梁沃野無半菽之資華陽有析骸之饜蓋上失其道
覆敗之至於斯仲儁天挺英姿見稱奇偉摧鋒累載克隆霸業蹈
玄德之前基掩子陽之故地薄賦而綏救俗約法而悅新邦擬於
其倫實孫權之亞也

又贊曰晉圖弛馭百六斯鍾天垂伏鼈野戰羣龍李特窺釁盜我
巴庸世歷五朝年將四紀篡殺移國昏狂繼軌德之不修險亦難
恃

學海君道部卷之一百六十五

創業類

四十

偽命分爭

三

晉末十六國篇

三

慕容據遼東稱燕章

高祖武宣皇帝慕容廆鮮卑人父曰涉歸

晉武帝太康二年辛丑冬十月鮮卑慕容涉歸寇昌黎

初鮮卑莫護跋始自塞外入居遼西棘城之北號曰慕容部

以前

世系其孫涉歸遷于遼東之北世附中國數從征討有功拜大單

于至是始叛寇昌黎

屬遼

六年乙亥慕容廆寇遼西

初癸卯冬涉歸卒涉歸弟刪慕立將殺鬼鬼亡匿於遼東徐郁家
乙巳冬刪為其下所殺部眾復迎鬼而立之涉歸與宇文部素有
隙鬼請討之朝廷弗許鬼怒入寇遼西殺略甚眾朝廷遣幽州軍
討鬼戰于肥如縣屬遼西郡今屬永平府鬼眾大敗自是每歲犯邊又東擊扶
餘王依慮自殺子弟走保沃阻鬼夷其國城驅萬里餘人而歸

七年

丙午

夏慕容廆寇遼東

鑑

廆寇遼東故扶餘王依慮子依羅求帥見人還復舊國請援于東
夷校尉何龕龕遣督護賈沈將兵送之廆遣其將孫丁帥騎邀之
於路沈力戰斬丁遂復扶餘

十年

紀夏四月慕容廆降以為鮮卑都督

廆遣使請降五月詔拜鮮卑都督廆謁見何龕以士大夫禮巾衣

詣門龕嚴軍以見之廆乃改服戎衣而入問其故廆曰王人必
禮待客客何為哉龕聞之甚慙深敬異之時鮮卑宇文氏段氏
強數侵掠廆卑辭厚幣以事之段國單于階以女妻廆生皝仁
昭廆以遼東僻遠徙居徒何縣屬昌黎郡之青山

惠帝元康四年

甲寅

秋慕容廆徙居大棘城

大安元年

壬戌

冬鮮卑宇文部圍棘城慕容廆擊破之

鮮卑宇文單于莫圭部眾強盛追其弟屈雲攻廆廆擊其別帥素
怒延破之素怒延耻之復發兵十萬圍廆于棘城廆眾皆懼廆曰
素怒延兵雖多而無法制已在吾掌中矣諸君但為力戰無所憂
也遂出擊破之追奔百里俘斬萬計遼東孟暉先沒於宇文部帥
其眾數千家降於廆廆以其臣慕輿句勒恪廉靜使掌府庫慕輿

河明敏精一使典獄訟

懷帝永嘉元年丁卯冬慕容廆自稱鮮卑大單于

是歲拓拔祿官死弟猗盧總攝三部與廆通好

五年未冬慕容廆擊破鮮卑素喜木九部

初遼東太守龐本以憾襲殺東夷校尉李臻詔以封釋代之釋收
斬本至是遼東附塞鮮卑素喜木九津託為臻報仇攻陷諸縣殺
掠士民屢敗郡兵封釋不能討請與連和連津不從民失業歸廆
者甚眾廆廩給追還願留者即撫存之廆少子翰言於廆曰諸侯
莫如勤王自古有為之君莫不仗此以從民望成大業今連津跋
扈王師覆敗蒼生屠脍豈甚此乎豎子外以龐本為名內實幸災
為亂封使君已誅本請和而寇暴不已中原離亂州師不振遼東

荒蕪莫之救卹勤王仗義今其時也單于不若數其罪而討之

則興復遼東下則并吞二部忠義彰于本朝私利歸于我國此伯

王之基也載記曰此則吾鴻漸之始也終可以得志諸侯廆笑曰孺子乃能及此乎遂帥

眾東擊連津以翰為前鋒破斬之盡并二部之眾得所掠民三千

餘家及前歸廆者悉以付郡遼東賴以復存

愍帝建興元年癸酉夏四月慕容廆攻段氏取徒河

二月懷帝為漢王聰所害王浚承制以廆為散騎常侍冠軍將軍

前鋒大都督大單于廆不受四月太子即位於長安是為愍帝遣

使拜廆鎮軍將軍幽州都督王浚召段疾陸眷欲與之共擊石勒

疾陸眷不至浚怒以重幣賂拓跋猗盧并檄廆等共討疾陸眷猗

盧遣六脩會之為疾陸眷所敗廆遣慕容翰攻段氏取徒河新城

至陽樂

縣屬遼西郡

聞六脩敗而還翰因留鎮徒河壁青山初中國士

民避亂者多北依王浚浚不能存撫又政法不立士民往往復去之段氏兄弟專尚武勇不禮士大夫唯龐政事脩明愛重人物故士民多歸之龐舉其英俊隨材授任以裴嶷陽耽黃泓魯昌爲謀主游邃逢羨西方虔宋奭及封抽裴開爲股肱宋該皇甫岌兄弟真繆愷劉斌及封奕封裕典機要裴嶷清方有幹略爲昌黎太守兄武爲玄菟太守武卒嶷與武子開以其喪歸過龐龐敬禮之及去厚加資送行及遼西道不通嶷欲就龐開曰鄉里在南柰何北行且等爲留寓段氏疆慕容氏弱何必去此而就彼也嶷曰中國喪亂今往就之是相帥而入虎口也且道遠何由可達若後其清通又非歲月可冀今欲求托足之地豈可不慎擇其人汝觀諸段

豈有遠略且能待國士乎慕容公修行仁義有霸王之志加以國豐民安今往從之高可以立功名下可以庇宗族汝何疑焉開乃從之旣至龐大喜陽耽清直沈敏爲遼西太守慕容翰破段氏於陽樂獲之龐禮而用之游邃逢羨宋奭皆嘗爲昌黎太守與黃泓俱避地於薊前後歸龐王浚屢以手書召邃兄暢暢欲赴之邃曰彭祖刑政不脩華戎離畔以邃度之必不能久兄且盤桓以俟之暢曰彭祖忍而多疑頃者流民北來命所在追殺之今手書殷勤我稽留不往將累及卿且亂世宗族宜分以冀遺種遂從之卒與段俱沒宋該與平原杜羣劉翔先依王浚又依段氏皆以爲不足託帥諸流寓同歸於龐東夷校尉崔愨請皇甫岌爲長史卑辭說諭終莫能致龐招之岌與弟真卽時俱至遼東張統據樂浪帶方

二郡與高句麗王乞弗利相攻連年不解樂浪王遵說統帥其民千餘家歸虜虜爲之置樂浪郡以統爲太守遵參軍事甲戌二月石勒襲幽州殺王浚浚從事中郎陽裕逃犇令支縣屬遼西郡依段氏朱左車孔纂胡母翼自薊逃奔昌黎依虜是時中國流民歸虜者數萬家虜以冀州人爲冀陽郡豫州人爲成周郡青州人爲營丘郡并州人爲唐國郡

元帝建武元年丁丑春三月丞相睿卽晉王位慕容廆遣使勸進

丙子十一月劉曜陷長安愍帝出降丁丑二月琅琊王睿稱晉王以廆爲都督遼左雜夷流民諸軍事龍驤大單于昌黎公廆不受征虜將軍魯昌說廆曰今兩京覆沒天子蒙塵琅琊王承制江東爲四海所係屈明公雖雄據一方而諸郡猶阻兵未服者蓋以官

非命故也謂宜通使琅琊勸承大統然後奉詔令以伐有罪敢不從處士高詡曰霸王之資非義不濟今晉室雖微人心猶附之宜遣使江東示有所尊然後仗大義以征諸部不患無辭矣廆從之遣長史王濟浮海詣建康勸進

大興元年戊寅春三月王卽皇帝位以慕容廆爲龍驤將軍大單于

三月晉王卽帝位復遣使授廆前官廆辭公爵不受廆以游邃爲龍驤長史劉翔爲主簿命邃創定朝儀法裴嶷言於廆曰晉室衰微介居江表威德不能及遠中原之亂非明公不能拯也今諸部雖各擁兵然皆頑愚相聚宜以漸并取以爲西討之資廆曰君言大非孤所及也然君中朝名德不以孤僻陋而教誨之是天以君賜孤而祐其國也乃以嶷爲長史委以軍國之謀諸部弱小者稍

稍擊取之

二年^卯冬十二月宇文氏攻慕容廆廆大敗之遂取遼東

平州刺史崔恚自以中州人望鎮遼東而士民多歸廆心不平數遣使招之皆不至意廆拘留之乃陰說高句麗段氏宇文氏使其攻之約滅廆分其地恚所親高瞻力諫恚不從三國合兵伐廆諸將諸擊之廆曰彼爲崔恚所誘欲邀一切之利軍勢初合其鋒甚銳不可與戰當固守以挫之彼烏合而來旣無統壹莫相歸服久必携二一則疑吾與恚詐而覆之二則三國自相猜忌待其人情離貳然後擊之破之必矣三國進攻棘城廆閉門自守遣使獨以牛酒犒宇文氏二國疑宇文氏與廆有謀各引兵歸宇文大人悉獨官曰二國雖歸吾當獨取之宇文氏士卒數十萬連營四十里

廆使召其子翰於徒河翰遣使白廆曰悉獨官舉國爲寇攻之寡易以計破難以力勝今城中之衆足以禦寇翰請爲奇兵以伺其間而擊之內外俱奮使彼震駭不知所備破之必矣今并兵爲一彼得尋意攻城無復它虞非策之得者也且示衆以怯恐士氣不戰先沮矣廆猶疑之遼東韓壽言於廆曰悉獨官有憑凌之志將驕卒惰軍不堅密若奇兵卒起掎其無備必破之策也廆乃聽翰留徒河悉獨官聞之曰翰素名驍果今不入城或能爲患當先取之城不足憂也乃分遣數千騎襲翰翰知之詐爲段氏使者逆於道曰慕容翰久爲吾患聞當擊之吾已嚴兵相持宜速進也使者旣去翰卽出城設伏以待之宇文氏之騎見使者大喜馳行不復設衛進入伏中翰奮擊盡獲之乘勝徑進遣聞使語廆出兵

大戰虜使其子孰與長史裴嶷將精銳爲前鋒自將大兵繼之前鋒始交翰從旁直入其營縱火焚之衆遂大敗悉獨官僅以身免虜盡俘其衆獲皇帝玉璽三紐崔忠聞之懼使其兄子燾詣棘城僞賀會三國使者亦至請和曰非我本意崔平州教我耳虜以示燾臨之以兵燾懼首服乃遣燾歸謂忠曰降者上策走者下策也引兵隨之忠與數十騎棄家奔高句麗其衆悉降于虜虜以其子仁鎮遼東官府市里安堵如故高句麗將如奴子據于河城虜遣將張統掩擊擒之俘其衆千餘家以崔燾高瞻韓恒石琮歸於棘城待以客禮宋該勸虜獻捷江東虜使該爲表使裴嶷奉之并以所得玉璽詣建康獻之高句麗數寇遼東虜遣慕容翰慕容仁伐之高句麗王乞弗利逆來求盟翰仁乃還其後高句麗寇遼東仁

與戰大破之自是不敢犯仁境

三年

庚辰

春三月以慕容廆爲平州刺史

三月裴嶷至建康盛稱虜之威德賢雋皆爲之用朝廷始重之帝欲留嶷嶷曰臣少蒙國恩出入省闈若得復奉輦轂臣之至榮但以舊京淪沒山陵穿毀名臣宿將莫能雪耻獨龍驤竭忠王室故使臣萬里歸城今臣不返必謂朝廷以其僻陋而棄之孤其嚮義之心使懈於討賊此臣之所甚惜也帝然之遣使隨嶷拜虜爲安北將軍平州刺史

四年

辛巳

秋九月以慕容廆爲車騎將軍平州牧遼東公

詔以廆爲使持節都督督幽平二州東夷諸軍事車騎將軍平州牧封遼東公邑一萬戶單于如故遣謁者卽授印綬聽承制置官

司守宰魔於是備置僚屬以裴嶷等為長史等官以劉讚為祭酒使甄與諸生同受業魔亦親臨聽之甄雄毅多權略喜經術國人稱之魔徙慕容翰鎮遼東慕容仁鎮平郭翰撫安民夷甚有威惠仁亦次之

卮言曰晉室雖衰慕容符姚之興皆借王命以自重魔始封昌黎公而辭外為謙讓其志不肯鬱鬱於昌黎也今封遼東則受矣

永昌元年壬午冬慕容魔遣其子甄入令支

十一月元帝崩明帝即位十二月魔遣世子甄襲段末柅入令支

縣屬遼西掠其居民千餘家而還

明帝大寧三年乙酉春後趙主勒使宇文氏擊慕容魔魔遣兵擊破走

初癸未五月後趙王石勒遣使結好於魔魔執送建康勒怒

二月勒加宇文乞得歸官爵使之擊魔魔遣甄與索頭段國

之以裴嶷為右部督率索頭為右翼命其少子仁自平郭趣伯林

為右翼乞得歸提澆水以拒甄遣兄子悉拔雄拒仁仁擊悉拔雄

斬之乘勝與甄攻乞得歸大破之乞得歸棄軍走甄仁進入其國

城使輕兵追乞得歸過其國三百餘里而還盡獲其國重器畜產

以百萬計民之降附者數萬七月明帝崩成帝即位加魔侍中時

魔與段氏方睦為段牙謀使之徙都牙去令支國人不樂段遼因

帥眾攻牙殺之而自立咸和戊子加魔開府儀同三司固辭不受

成帝咸和六年辛卯冬慕容魔遣使詣太尉侃

初虜遣使與太尉陶侃牋曰明公使君轂下振德曜威撫寧方夏
勞心文武士馬無恙欽高仰止注情彌久王塗險遠隔以燕越每
瞻江湄延首遐外天降艱難禍害屢臻舊都不守奄爲虜庭使皇
輿遷幸假勢吳楚大晉啟基祚流萬世天命未改玄象著明是以
義烈之士深懷憤踊猥以劣薄受國殊寵上不能掃除羣羯下不
能身赴國難仍縱賊臣屢逼京輦王敦倡禍於前蘇峻肆毒於後
凶暴過於董卓惡逆甚於崔汜普天率土誰不同忿深怪文武之
士過荷朝榮不能滅中原之寇刷天下之耻君侯植根江陽發曜
荆衡杖葉公之權有包胥之志而令白公伍員殆得極其暴竊爲
丘明耻之區區楚國子重之徒猶耻君弱羣臣不及先大夫厲已
戒衆以服陳鄭越之種豈尚能弼佐句踐取威黃池况今吳土英

賢比肩而不輔翼聖王陵江北伐以義聲之直討逆暴之羯徽命
舊都之壬招懷存本之人豈不若因風振落頓坂走輪哉且孫氏
之初以長沙之衆摧破董卓志巨漢室雖中遇寇害雅志不遂原
其誠心乃忽身命及權據楊越外杖周張內馮顧陸距魏赤壁尅
取襄陽自茲以降世王相襲咸能侵逼徐豫令魏朝盱食不知今
之江表爲賢雋匿智藏其勇略即將呂蒙凌統高蹤曠世哉况今
凶羯虐暴中州人士逼迫勢促其顛沛之危甚於壘卵假號之彊
衆心所去敵有釁矣易可震蕩王朗袁術雖自詐僞皆基淺根微
禍不旋踵此皆君侯之所聞見者矣王司徒清虛寡欲善於全已
昔曹參亦崇此道著畫一之綱也庾公居元舅之尊處甲伯之任
超然高蹈明智之權庾於寇難之際受大晉累世之恩自恨絕域

無益聖朝徒係心萬里望風懷憤今海內之望足爲楚漢輕重者
惟在君侯若戮力盡心悉五州之衆據交豫之郊使向義之士倒
戈釋甲則羯寇必滅國耻必除鬼在一方敢不竭命孤軍輕步不
足使勒畏首畏尾則懷舊之士欲爲內應無由此發故也故遠陳
寫言不宜盡使使者遭風沒海其後僚屬宋該等共議以鬼立功
一隅位卑任重等差無別不足以鎮華夷宜表請進鬼官爵參軍
韓恒駁曰夫立功者患信義不著不患名位不高桓文有匡復之
功不先求禮命以令諸侯宜繕甲兵除羣凶功成之後九錫自至
比於邀君以求寵不亦榮乎鬼不悅出恒爲新昌令于是鬼更寫
前箋并齎其東夷校尉封抽等疏上侃府曰自古有國有家鮮不
極盛而衰自大晉龍興尅平嶮會神武之略邁蹤前史惠皇之末

后... 禍結京畿釁成公族遂使羯寇乘虛傾覆諸夏...
沒山陵毀掘人神悲悼幽明發憤昔獫狁之彊匈奴之盛未有如
今日羯寇之暴跨躡華裔盜稱尊號者也天祚有晉挺授英傑車
騎將軍慕容廆自弱冠莅國忠於王室明允恭肅志在立勳屬海
內分崩皇輿遷幸元皇中興初唱大業肅祖繼統蕩平江外虜雖
限以山海隔以羯寇翹首引領係心京師常假夢寐欲憂國忘身
貢篚相尋連舟載路戎不稅駕動成義舉今羯寇滔天怙其醜類
樹基趙魏跨略燕齊虜雖率義衆誅討大逆然管仲相齊猶曰寵
不足以御下况虜輔翼王室有匡伯之功而位卑爵輕九命未加
非所以寵異藩翰敦獎殊勲者也方今詔命隔絕王路嶮遠貢使
往來動彌年載今燕之舊壤北周沙漠東盡樂浪西暨代山南極

冀方而悉爲虜庭非復國家之域將佐等以爲宜遠遵周室近準漢初進封虜爲燕王行大單于事上以總統諸部下以割損賊境使冀州之人望風向化虜得祇承認命率合諸國奉辭夷逆以成桓文之功苟利社稷專之可也而虜固執謙光守節彌高每詔所加讓動積年非將佐等所能孰逼今區區所陳不欲苟權崇重而愚情至心實爲國計侃報抽等書其略曰車騎將軍憂國忘身貢篚載路羯賊求和執使送之西討段國北伐塞外遠綏索頭荒服以獻惟北部未賓屢遣征伐又知東方官號高下齊班進無統攝之權退無差等之降欲進車騎爲燕王一二具之夫功成進爵古之成制也車騎雖未能爲官摧勒然忠義竭誠今騰笈上聽可否遲速當在天臺也虜未定虜卒乃止

升平元年丁夏四月

姚襄將圖關中四月自北屈進屯杏城遣韓國將軍姚蘭略地敗城卽劇城縣曜武將軍姚益生左將軍王欽盧各將兵招納諸羌胡及

秦民歸之者五萬餘戶秦將苻飛龍擊蘭擒之襄引兵進據黃落秦王生遣廣平王黃眉將軍鄧羌等將步騎萬五千以禦之襄堅壁不戰五月羌帥騎三千壓其壘門而陳襄怒悉衆出戰羌陽不勝而走襄追之至于三原羌迴騎擊之黃眉等以大衆繼至襄兵大敗擒而斬之

太祖武昭皇帝名襄弟也

姚萇弋仲第二十四子也少聰哲多權畧任率不修行業諸兄皆奇之隨襄征伐每參大謀襄之寇洛陽也萇萇服袞衣升御坐諸

酋長皆侍立且謂將佐曰吾夢如此此兒志度不恒或能大起吾族襄之敗于麻田也馬中流矢襄下馬以授襄襄曰汝何以自免襄曰但令兄濟堅子安敢害襄會救至俱免丁巳襄為秦兵所殺襄率諸弟降于秦六月苻堅弒苻生而自立辛酉五月穆帝崩哀帝即位興寧乙丑三月哀帝崩帝奕即位太和辛未三月秦王堅以襄為楊武將軍與苻雅楊安帥步騎七萬伐仇池公楊纂克之遷左衛將軍十一月桓溫廢帝奕立簡文帝壬申七月帝崩孝武帝立寧康癸酉十一月秦王堅使楊安伐蜀取之以襄為寧州刺史領西蠻校尉甲戌二月桓石虔等攻墊江襄兵敗退屯五城復徵為楊武將軍步兵校尉太元丙子二月秦王堅遣襄與苻萇毛盛梁熙等將兵伐涼八月襄等與諸軍會攻涼河會城取之攻纏

宿城又陷之涼王張天錫遣其將掌據與馬建軍會于洪池

使襄帥甲士三千為前驅馬建迎降苻萇及掌據戰殺之秦兵遂

入姑臧涼王張天錫降涼州平戊寅二月秦王堅遣長樂公丕等

大舉寇襄陽使襄與慕容垂帥眾五萬出南鄉遂攻拔南陽與丕

會攻襄陽已卯二月克之遷兖州刺史晉書載記曰襄為堅將屢有大歷隴東及郡河東

武城巴山扶風太守寧幽癸未七月秦王堅大舉伐晉堅朝臣皆

不欲堅行襄與慕容垂勸之八月堅以襄為龍驤將軍都益梁州

諸軍事謂曰昔朕以龍驤建業堅以龍驤將軍末賞輕以授人卿

其勉之竇衝曰王者無戲言此不祥之徵也堅默然十月堅敗于

肥水走歸長安

孝武帝太元九年甲申春三月燕慕容泓起兵華陰秦遣苻叡擊泓敗

敗死夏四月獻司馬姚萇起兵北地自稱秦王

正月慕容垂至洛陽自稱燕王大破秦兵二月慕容泓起兵華陰

堅遣子鉅鹿公獻討之以萇為司馬泓懼帥眾將奔關東獻欲馳

兵邀之萇諫曰鮮卑皆有思歸之志故起而亂宜驅令出關不可

遏也夫執鼯鼠之尾猶能反噬於人但可鳴鼓隨之彼將奔敗不

暇矣獻弗從戰于華澤獻兵大敗為泓所殺萇遣龍驤長史趙都

叅軍姜協詣堅謝罪堅怒殺之萇懼奔渭北馬牧於是天水尹緯

尹詳南安龐演等糾扇羗豪帥其戶口歸萇者五萬餘家載謂曰西州豪

於尹詳趙曜王欽盧牛雙狄推萇為盟主萇將拒之尹緯說萇曰

今百六之數既臻秦亡之兆已見以將軍威靈命世必能匡濟時

艱故豪傑驅馳咸同推仰明公宜降心從議以副羣望不可坐觀

不若從陸道說曰吾計已決敢沮者斬壬午說率其弟評等自昌

黎東踐冰而進凡三百餘里至歷林口捨輜重輕兵趣平郭去城

七里候騎以告仁仁狼狽出戰悉眾陳於城之西北慕容暉帥所

部降於說仁眾沮動說從而縱擊大破之仁走其帳下皆叛遂擒

之說先為斬其帳下之叛者然後賜仁死自餘吏民為仁所誑誤

者說皆赦之封高詡汝陽侯

夏六月段遼襲慕容說說遣兵擊破之

六月段遼遣其將李詠襲說詠趣武興城在今都尉張明擊擒之

遼別遣段蘭將步騎數萬屯柳城西回水宇文逸豆歸攻安晉以

為蘭聲援說帥步騎五萬向柳城蘭不戰而遁說引兵北趣安晉

逸豆歸棄輜重走說遣司馬封奕帥輕騎追擊大破之說謂諸將

曰二虜耻無功必將復至宜於柳城左右設伏以待之乃遣封奕帥騎數千伏於馬兜山三月段遼果將數千騎來寇抄奕縱擊大破之斬其將榮伯保九月皝遣長史劉斌等送徐孟等還建康丁酉三月皝於乙連城東築好城以逼乙連乙連城段國之東境也在曲水之西雷將軍蘭勃守之四月段遼以車數千輜輸乙連粟蘭勃擊而取之六月遼又遣其從弟屈雲將精騎夜襲皝子遵於與國城遵擊破之三年丁酉秋七月慕容皝自稱燕王燕稱藩于趙

鎮軍左長史封奕等勸皝稱燕王皝從之於是備置羣司十月丁卯皝即燕王位十一月甲申追尊武宣公為武宣王夫人段氏為武宣后立夫人段氏為王后世子雋為王太子如魏武晉文輔政故事段遼數侵趙邊皝遣楊烈將軍宋回稱藩於趙乞師以討遼

帥國中之眾以會之并以其弟汗為質趙王虎大悅慰各辭其質遣還密期以明年

四年戊戌春趙王虎燕王皝合兵攻段氏破之虎拔令支悉取其地

正月皝遣都尉趙槃如趙聽師期趙王虎遣桃豹等帥舟師十萬支雄等帥步騎七萬為前鋒以伐遼三月趙槃還至棘城皝引兵攻掠令支以北諸城遼遣其弟蘭帥眾追之皝設伏以待之大破蘭兵斬首數千級掠五千戶及畜產萬計以歸段遼以蘭既敗不敢復戰棄令支奔密雲山遼左右劉羣等封府庫降于趙趙王虎遂入令支宮論功封賞各有差四月癸丑詔以皝為征北大將軍

幽州牧碩平州刺史

五月趙王虎擊燕不克燕慕容恪追擊大破之

五月趙王虎以燕王皝不會趙兵攻段遼而自專其利欲伐之皝聞之嚴兵設備趙戎卒數十萬燕人震恐皝謂內史高詡曰將若之何對曰趙兵雖彊然不足憂但堅守以拒之無能爲也虎遣使四出招誘民夷進攻郡縣諸部叛應趙者凡三十六城戊子趙兵進逼棘城皝欲出亡帳下將慕輿根諫曰趙彊我弱大王一舉足則趙之氣遂成使趙人收略國民兵彊穀足不可復敵竊意趙人正欲大王如此耳柰何入其計中乎今固守堅城其勢百倍縱其急攻猶足支持觀形察變間出求利如事之不濟不失於走柰何望風委去爲必亡之理乎皝乃止然猶懼形於色玄菟太守河間劉佩曰今彊寇在外衆心恐懼事之安危繫於一人大王此際無所推當自彊以勵將士不宜示弱事急矣臣請出擊之縱無大

捷足以安衆乃將敢死數百騎出衝趙兵所向披靡斬獲而還於是士氣自倍皝問計於封奕對曰石虎凶虐已甚民神共禍敗之至其何日之有今空國遠來攻守勢異戎馬雖彊無能爲患頓兵積日釁隙自生但堅守以俟之耳皝意乃安或說皝降皝曰孤方取天下何謂降也趙兵四面蟻附緣城慕輿根等晝夜力戰凡十餘日趙兵不能克壬辰引退皝追其子恪帥二千騎追擊之趙兵大敗斬獲三萬餘級趙諸軍皆棄甲逃潰皝分兵討諸叛城皆下之拓境至凡城崔燾常霸奔鄴封抽宋晃游泓犇高句麗皝賞鞠彭慕輿根等而治諸叛者誅滅甚衆功曹劉翔爲之申理多所全活

十二月趙遣兵迎段遼燕慕容恪擊敗之以遼歸殺之

十二月段遼自密雲山遣使求迎於燕趙王虎遣麻秋帥眾迎之
以陽裕爲秋司馬燕王皝自帥諸軍迎遼遼密與燕謀覆趙軍皝
遣慕容恪伏精騎七千於密雲山大敗麻秋於三藏口死者什六
七秋步走得免陽裕爲燕所執皝盡得段遼之眾待遼以上賓之
禮以陽裕爲郎中令

五年_紀春三月代王什翼犍求昏於燕

四月燕前軍師慕容評將軍慕容興根慕容與泥襲趙遼西俘
獲千餘家而去趙將軍石城呼延晃張支等追之評等與戰斬晃
支首段遼謀反於燕皝殺遼及其黨與數十人送遼首於趙五月
代王什翼犍求昏於燕皝以其妹妻之

冬燕王皝遣長史劉翔來獻犍

趙王虎使李農鎮令支農帥眾二萬與張舉攻燕凡城燕王
赫盧城大悅縮爲禦難將軍授兵一千使守凡城縮身先士卒親
冒矢石舉等攻之經旬不能克乃退

皝自以稱王未受晉命冬遣長史劉翔參軍鞠運來獻犍論功且
言權假之意并請刻期大舉共平中原皝擊高句麗兵及新城高
句麗王釗乞盟乃還又使其子恪勸擊宇文別部

六年_紀春正月慕容翰自宇文部歸于燕

宇文逸豆歸忌翰才名翰乃陽狂乞食以故得往來自遼山川形
便皆默記之皝以翰因猜嫌出奔雖在它國常潛爲燕計乃遣商
人通市以迎之翰遂逃歸皝大喜厚遇之

冬趙大發兵以伐燕燕人襲之入趙高陽趙師還

趙王虎合兵五十萬具船萬艘自河通海運穀十一百萬于樂安城自幽州以東至白狼大興屯田括取民馬大閱於宛陽欲以擊燕皝謂諸將曰石虎自以樂安城防守重複薊城南北必不設備今若詭路出其不意可盡破也十月皝帥諸軍入自蠡螭塞襲趙戍將當道者皆擒之直抵薊城趙幽州刺史石光擁兵數萬閉城不敢出燕兵進破武遂津入高陽所至焚燒積聚略三萬餘家而去趙兵乃退

七年

辛丑

春正月燕築龍城二月封慕容皝爲燕王

正月燕王皝使陽裕等築城於柳城之北龍山之西命曰龍城二月劉劭至建康帝引見問慕容鎮軍平安對曰臣受遣之日朝服拜

自漢魏以來不封異姓爲王所求不可許劭曰自劉石構亂長江以北薊爲戎藪未聞中華公卿之胄有一人能攘臂揮戈摧破凶逆者獨慕容鎮軍父子竭力心存本朝以寡擊衆屢殄疆敵使石虎畏懼悉徙邊陲之民散居三魏感國千里以薊城爲北境功烈如此而惜海北之地不以爲封邑何哉劭曰建康歲餘朝議終不能決劭乃說中常侍彧曰石虎苞八州之地帶甲百萬志吞江漢自索頭宇文暨諸小國無不臣服惟慕容鎮軍翼戴天子精貫白日而更不獲殊禮之命竊恐天下移心解體無復南向者矣彧爲之入言于帝帝亦欲許之會皝上表稱庾氏兄弟擅權召亂宜加屏退以安社稷又與庾冰書責其當國秉權不能爲國雪耻冰甚懼以其絕遠非所能制乃與何充奏從其請乙卯以皝爲使持

節大將軍都督河北諸軍事幽州牧大單于燕王備物典策皆從
殊禮又以世子雋爲左賢王賜軍資器械以千萬計又封諸功臣
百餘人七月郭悌劉翔等至燕皝以翔爲長史

秋八月燕慕容恪鎮平郭

皝以慕容恪爲渡遼將軍鎮平郭白翰仁之後諸將無能繼者及

恪至平郭撫舊懷新屢破高句麗兵高句麗畏之不敢入境

八年壬寅冬十月燕遷都龍城十一月燕王皝擊高句麗入凡都載其

王釗父屍及母以歸

六月成帝崩康帝卽位十月皝遷都龍城建威將軍翰言於皝曰
宇文彊盛日久屢爲國患今逸豆歸篡竊得國羣情不附加之性
識庸闇將帥非才國無防衛軍無部伍臣久在其國悉其地形雖

遠附彊羯聲勢不接無益救援今若擊之百舉百克然高句麗去
國家通常有闕關之志彼知宇文旣亡禍將及已必乘虛深入掩
吾不備若少畱兵則不足以守多畱兵則不足以行此心腹之患
也宜先除之觀其勢力一舉可克宇文自守之虜必不能遠來爭
利旣取高句麗還取宇文如返手耳二國旣平利盡東海國富兵
彊無返顧之憂然後中原可圖也皝曰善將擊高句麗高句麗有
二道其北道平濶南道險陝衆欲從北道翰曰虜以常情料之必
謂大軍從北道當重北而輕南王宜帥銳兵從南道擊之出其不
意虜都不足取也別遣偏師從北道縱有差跌其腹心已潰四支
無能爲也皝從之十一月皝將勁兵四萬出南道以慕容翰慕容
霸爲前鋒別遣長史王寓等將兵萬五千出北道以伐高句麗高

句麗王釗果遣其弟武帥精兵五萬拒北道自帥羸兵以備南道
慕容翰等先至與釗合戰旣以大衆繼之鮮于亮曰臣以俘虜蒙
王國士之恩不可以不報今日臣死日也請獨與數騎先犯高句
麗陳所向摧陷高句麗陳動大衆因而乘之高句麗兵大敗左長
史韓壽斬高句麗將阿佛和度加諸軍乘勝追之遂入丸都釗單
騎走輕車將軍慕輿涅追獲其母周氏及妻而還會王寓等戰于
北道皆敗沒由是旣不復窮追遣使招釗釗不出旣將還韓壽曰
高句麗之地不可戍守今其主亡民散潛伏山谷大軍旣去必復
鳩聚收其餘燼猶足爲患請載其父屍囚其生母以歸俟其束身
自歸然後返之撫以恩信策之上也旣從之發釗父乞弗利慕載
其屍收其府庫累世之寶虜男女五萬餘口燒其宮室毀丸都城

而還

康帝建元元年

癸卯

春二月高句麗王釗朝貢于燕

高句麗王釗遣其弟稱臣入朝於燕貢珍異以千數旣乃還其父
屍猶留其母爲質宇文逸豆歸遣其相莫淺渾將兵擊燕諸將爭
欲擊之旣不許莫淺渾以爲旣畏之酣飲縱獵不復設備旣使慕
容翰出擊之莫淺渾大敗僅以身免盡俘其衆

秋七月代王什翼犍復求昏於燕

七月代王什翼犍復求昏於燕燕王旣使納馬千匹爲禮什翼犍
不與又倨慢無子婚禮八月旣遣世子雋帥前軍師評等擊代什
翼犍帥衆避去評等無所見而還宇文逸豆歸執段遼弟蘭送于
趙趙王虎命蘭帥衆屯令支

二年^{甲辰}春正月燕王皝擊滅宇文部逸豆歸走死皝還殺其兄翰

正月燕王皝與左司馬高詡謀伐宇文逸豆歸詡曰宇文彊盛今

不取必爲國患伐之必克然不利於將於是皝自將伐逸豆歸以

慕容翰爲前鋒將軍劉佩副之分命慕容軍慕容恪慕容霸及折

衝將軍慕容根將兵三道並進逸豆歸遣南羅大涉夜于將精兵

逆戰皝遣人馳謂慕容翰曰涉夜于勇冠三軍宜小避之翰曰逸

豆歸掃其國內精兵以屬涉夜于素有勇名一國所賴也

今我克之其國不攻自潰矣且吾熟知涉夜于之爲人雖有虛名

實易與耳不宜避之以挫吾兵氣遂進戰翰自出衝陳涉夜于出

應之慕容霸從旁邀擊遂斬涉夜于宇文士卒見涉夜于死不戰

而潰燕軍乘勝逐之遂克其都城逸豆歸走死漠北宇文氏由是

散亡皝悉收其畜產資貨徙其部衆五千餘落於昌黎關地千餘

里更命涉夜于所居城曰威德城使弟彪戍之而還高詡劉佩皆

中流矢卒初逸豆歸事趙甚謹貢獻屬路及燕伐逸豆歸趙王虎

使將軍白勝等自甘松出救之比至宇文氏已亡因攻威德城不

克而還慕容彪追擊破之或告慕容翰欲爲變皝雖藉翰勇略然

終忌之乃賜翰死代王什翼犍遣其大人長孫秩迎婦於燕七月

康帝崩穆帝卽位

穆帝永和元年^{乙丑}春正月燕罷苑囿以給新民

燕王皝以牛假貧民使佃苑中稅其什之八自有牛者稅其七記

室參軍封裕上書諫以爲古者什一而稅天下之中正也降及魏

晉仁政衰薄假官田官牛者不過稅其什六自有牛者中分之猶

爲國分年

不取其七八也自永嘉以來海內蕩析武宣王綏之以德華夷之
民萬里輻輳襁負而歸者若赤子之歸父母是以戶口十倍於舊
無田者十有三四及殿下繼統南摧強趙東兼高句麗北取宇文
拓地三千里增民十萬戶是宜悉罷苑囿以賦新民無牛者官賜
之牛不當更收重稅也且以殿下之民用殿下之牛牛非殿下之
有將何在哉如此則戎旗南指之日民誰不簞食壺漿以迎王師
石虎誰與處矣川瀆溝渠有廢塞者皆應通利旱則灌溉潦則疏
泄一夫不耕或授之饑况游食數萬何以得家給人足乎今官司
猥多虛費廩祿苟才不周用皆宜澄汰工商未利宜立常員學生
三年無成徒塞英雋之路皆當歸之於農殿下聖德寬明博察芻
蕘參軍王憲大夫劉明並以言事忤旨王者處以大辟殿下雖宥

其死猶克官禁錮夫求諫諍而罪直言是猶適越而北行必不獲
其所志矣右長史宋該等阿媚苟容輕劾諫士已無骨鯁嫉人有
之掩蔽耳目不忠之甚者也孰乃下令稱覽封記室之諫孤實懼
焉國以民爲本民以穀爲命可悉罷苑囿以給民之無田實貧者
官給之以牛力有餘願得官牛者並依魏晉舊法溝瀆各有益者
令以時修治今戎事方興勲伐旣多官未可減俟中原平一徐更
議之工商學生皆當裁擇夫人臣關言於人主至難也雖有狂妄
當擇其善者而從之王憲劉明雖罪應廢黜亦由孤之無大量也
可悉復本官仍居諫司封生蹇蹇深得王臣之體其賜錢五萬宣
示內外有欲陳孤之過者不拘貴賤勿有所諱孰雅好文學嘗親
臨庠序講授考校學徒至千餘人頗有妄濫者故封裕及之

二龍見於燕之龍山

燕有白龍黑龍見於龍山交首遊戲解角而去燕王皝親祀以大牢赦其境內命所居新宮曰和龍

冬十二月

十月燕王皝使慕容恪攻高句麗拔南薊置戍而還十二月皝以爲古者諸侯卽位各稱元年於是始不用晉年號自稱十二年趙王虎使征東將軍鄧恒將兵數萬屯樂安治攻具爲取燕之計皝以慕容霸爲平狄將軍戍徒河恒畏之不敢犯

二年

丙午

春正月燕襲夫餘拔之虜其王玄以歸

夫餘徙近燕而不設備燕王皝遣世子雋帥慕容軍慕容恪慕輿根三將軍萬七千騎襲夫餘雋居中指授軍事皆以任恪遂拔夫

餘其王玄及部落五萬餘口而還

四年

燕王皝十四年戊申

秋九月燕王皝卒

八月燕王皝有疾召世子雋屬之曰今中原未平方資賢傑以經世務恪智勇兼濟才堪任重汝其委之以成吾志又曰陽士秋士行高潔忠幹貞固可託大事汝善待之九月丙申薨

烈祖景昭皇帝名雋皝世子皝卒雋立

慕容雋皝之第二子也皝爲燕王以雋爲世子辛丑朝廷拜皝爲燕王又以雋爲假節安北將軍東北夷校尉左賢王戊申九月丙申薨十一月甲辰葬文明王雋卽燕王位依春秋列國故事稱元年赦境內遣使詣建康告喪

永和五年

己酉

夏四月以慕容雋爲燕王

鑑

詔遣謁者陳沈如燕拜雋爲使持節侍中大都督督河北諸軍事
幽平二州牧大將軍大單于燕王

燕以慕容恪爲輔國將軍

趙主虎卒子世嗣石遵廢世而自立石冲起兵討遵燕平狄將軍
慕容霸上書於燕王雋曰石虎窮凶極暴天之所棄餘燼僅存身
相魚肉今中國倒懸企望仁恤若大軍一振勢必投戈比平太守
孫興亦表言石氏大亂宜以時進取中原雋以新遭大喪弗許霸
馳詣龍城言於雋曰難得而易失者時也萬一石氏衰而復興或
有英雄據其成資豈惟失此大利亦恐更爲後患雋曰鄴中雖亂
鄧恒安樂兵糧足今若伐趙東道不可由也當由盧龍盧龍
山在燕後方天高斷要首尾爲患將若之何霸曰恒雖欲爲石氏

拒守其將士顧家人懷歸志若大軍臨之自然瓦解臣請爲殿下
前驅東出徒河潛趣令支出其不意彼聞之勢必震駭上不過閉
門自守下不免棄城逃潰何暇禦我哉然則殿下可以安步而前
無復留難矣雋猶豫未決以問五材將軍封奕對曰用兵之道敵
強則用智敵弱則用勢是故以大吞小猶狼之食豚也以治易亂
猶日之消雪也大王自上世以來積德累仁兵彊士練石虎極其
殘暴死未瞑目子孫爭國上下乖亂中國之民墜於塗炭延頸企
踵以待振拔大王若揚兵南邁先取薊城次指鄴都宣耀威德懷
撫遺民彼孰不扶老提幼以迎大王凶黨將望旗冰碎安能爲害
乎從事中郎黃泓曰今太白經天歲集畢北陰國受命必然之驗
也宜速出師以承天意折衝將軍慕容根曰中國之民困於石氏

之亂咸思易主以救湯火之急此千載一時不可失也自武宣王
以來招賢養民務農訓兵正俟今日今時至不取更復顧慮豈天
意未欲使海內平定邪將大王不欲取天下也雋笑而從之以慕
容恪為輔國將軍慕容評為輔弼將軍左長史陽騫為輔義將軍
謂之三輔慕容霸為前鋒都督建鋒將軍選精兵二十餘萬講武
戒嚴為進取之計

冬十二月燕遣使如涼州

石鑿殺遵而自立燕王雋遣使至涼州約張重華共擊趙

六年

戊辰

春二月燕王雋擊趙拔薊城徙都之

正月冉閔弒趙主鑿而自立改國號曰魏符洪姚弋仲俱舉兵討
閔中原大亂二月燕王雋使慕容霸將兵二萬自東道出徙河慕

輿于自中道出嶧嶠塞雋自中道出盧龍塞以伐趙以慕容恪繼
于亮為前驅命慕容與泥檉山通道留世子曄守龍城以內史劉斌
為大司農與典書令皇甫真留統後事霸軍至三陘趙征東將軍
鄧恒惶怖焚倉庫棄安樂遁去與幽州刺史王午共保薊徙河南
部都尉孫泳急入安樂撲滅餘火籍其穀帛霸收安樂比平兵糧
與雋會臨渠三月燕兵至無終王午留其將王佗以數十人守薊
與鄧恒走保魯口乙巳雋拔薊執王佗斬之雋欲悉阮其士卒于
餘人慕容霸諫曰趙為暴虐王與師伐之將一以拯民於塗炭而
撫有中州也今始得薊而阮其士卒恐不可以為王師之先聲也
雋入都于薊中士女降者相繼燕兵至范陽范陽太守李產欲為
石氏拒燕眾莫為用乃帥入城令長出降

范陽郡統涿良鄉方城
長鄉道故安范陽容城

八縣帥 雋復以產為太守雋又以弟宜為代郡城郎此秦漢以來讀曰率

魏之代 孫泳為廣甯太守悉置幽州郡縣守宰甲子雋使中部侯

釐募輿旬都薊中留事自將擊鄧恒於魯口軍至清梁恒將鹿勃

早將數千人夜襲燕營半已得入先犯前鋒都督慕容霸突入幕

下霸起奮擊手殺十餘人早不能進由是燕軍得嚴雋謂募輿根

曰賊鋒甚銳宜且避之根正色曰我眾彼寡力不相敵故乘夜來

戰冀萬一獲利今求賊得賊正當擊之復何所疑王但安臥臣等

自為王破之雋不能自安內史李洪從雋出營外屯高冢上根帥

左右精勇數百人從中牙直前擊早李洪徐整騎隊還助早乃退

眾軍追擊四十餘里早僅以身免所從士卒死亡略盡雋引兵還

薊雋之還薊亦鹿勃早有以薊其銜否則進攻魯口矣

秋九月燕狗冀州取章武河間

八月代郡人趙榼帥三百餘家叛燕歸趙并州刺史張平燕王雋

徙廣甯上谷二郡民於徐無代郡民於凡城恐其復叛歸趙故徙之九月雋

南徇冀州取章武河間慕容評徇勃海禽賈堅與戰擒之雋以評

為章武太守封裕為河間太守又以堅為樂陵太守治高城在滄州益

山縣十月雋還薊留諸將守之雋還至龍城謁陵廟

七年辛亥春二月魏主閔圍趙主祗於襄國姚弋仲及燕王雋遣兵救

之三月魏主閔及趙燕姚襄之兵戰敗績

二月魏主閔攻圍趙主祗於襄國遣其太尉張舉乞師於燕許送

傳國璽姚弋仲遣其子襄救趙亦遣使告於燕燕王雋遣禦難將

軍悅縮將兵三萬往會之冉閔聞雋欲救趙遣其中郎常煒使於

燕雋使封裕詰之煒不屈乃囚煒於龍城三月渤海人逢約因趙亂擁衆數千家附於魏魏以約爲渤海太守故太守劉準槐之兄子也土豪封放奕之從弟也別聚衆自守閔以準爲幽州刺史與約中分渤海雋使封奕討約使昌黎太守高開討準奕引兵直抵約壘使人邀約相見約素信重奕卽出見奕於門外單馬交語因說之歸燕使張安挾之而馳至營高開至渤海準放迎降雋以放爲渤海太守準爲左司馬約參軍事

秋八月燕慕容恪取中山

七月趙劉顯弒趙主祇稱帝於襄國八月燕王雋遣慕容恪攻中山慕容評攻王午于睿口魏中山太守上谷侯龕閉城拒守恪南徇常山軍于九門魏趙郡太守遼西李邽舉郡降恪厚撫之將邽

還圍中山侯龕乃降恪入中山遷其將帥土豪數十家詣顯於南安堵軍令嚴明秋毫不犯慕容評至南安王午遣其將鄭生評擊斬之悅綰還自襄國雋乃知張舉之妄而殺之雋以平北太守孫興爲中山太守興善於綏撫中山遂安庫儻官偉帥部衆自上黨降燕逢鈞亡歸渤海招集舊衆以叛燕樂陵太守賈堅使人告諭鄉人示以成敗鈞部衆稍散遂奔建康十二月雋如龍城丁零翟鼠帥所部衆降燕封爲歸義王明年二月雋還薊稍徙文軍中文武兵民家屬於薊

八年燕王雋元璽元王子夏四月燕慕容恪等擊魏大破之執其王閔以歸殺之

三月魏主閔克襄國殺劉顯因遊食常山中山諸郡趙立義將軍

段勤聚胡羯萬餘人保據繹慕自稱趙帝四月甲子燕王儁遣慕容恪等擊魏慕容霸等擊勤閔軍于安喜恪引兵從之閔趣常山恪追之及於魏昌之蕪臺恪分軍爲三部閔衝中軍燕軍夾擊大破之圍閔數重閔潰圍東走二十餘里爲燕兵所執送於薊閔子操奔魯口慕容恪進屯常山儁命恪鎮中山己卯冉閔至薊儁大赦立閔而責之送於龍城慕容霸軍至繹慕段勤與弟思聰舉城降甲申儁遣慕容評及中尉庾龕帥精騎萬人攻鄴癸巳至鄴魏蔣幹及太子智閉城拒守城外皆降於燕

秋八月慕容評攻鄴克之遂留守鄴
五月蔣幹使繆嵩劄猶奉表降晉且求救於謝尚庚寅燕王儁遣廣威將軍慕容軍殿中將軍慕容根右司馬皇甫真等帥步騎二

萬助慕容評攻鄴辛卯斬冉閔於龍城會天大旱蝗儁謂閔爲崇遣使祀之六月戴施自枋頭帥壯士百餘人入鄴助守三臺甲子蔣幹帥精卒五千及晉兵出戰慕容評大破之斬首四千級幹脫走入城丙辰儁如中山壬午間魏敗時鄧恒已死午自稱安國王八月戊辰儁遣慕容恪封奕陽鶩攻之午閉城自守送冉孫詣燕軍恪等掠其禾稼而還庚午魏長水校尉馬願等開鄴城納燕兵戴施蔣幹幹于倉垣慕容評送魏后董氏太子智太尉申鍾司空條枚等及乘輿服御于薊儁命慕容評鎮鄴十月丁卯儁還薊故趙將擁兵據州郡者各遣使降燕慕容恪屯安平積糧治攻具將討壬午丙戌中山蘇林起兵於無極自稱天子恪自魯口還討林閏月戊子儁遣廣威將軍慕輿根助恪攻林斬之王午爲其將秦

興所殺呂護殺與自稱安國王

冬十一月燕王儁稱皇帝

燕羣僚共上尊號於燕王儁儁許之荅曰吾本幽漠射獵之鄉披髮左衽之俗歷數之錄寧有分邪卿等苟相褒舉以覬非望實匪寡德所宜聞也羣僚固請儁從之先是蔣幹以傳國璽送于建鄴儁欲神其事業言歷運在己乃詐云閔妻得之以獻賜號曰奉璽君十一月丁卯始置百官戊辰儁卽皇帝位改元元璽時晉使適至燕儁謂使者曰汝還曰汝天子我承人乏爲中國所推己爲帝矣改司州爲中州建留臺於龍都以乙逸爲尚書專委留務初石虎使人探策于華山得玉版文曰歲在申酉不絕如綫歲在壬子真人乃見及此燕人咸以爲儁之應也

晉書載記史臣曰觀夫北陰衍氣醜虜彙生隔閼諸華聲教莫之漸雄據殊壤貪悍成其俗先叛後服蓋常性也自當塗紊紀典午握符推亡之功掩岷吳而可錄御遠之策懷戎狄而猶漏慕容龐英俊姿偉量是曰邊豪屢迹姦圖實惟亂首何者無名而舉表深譏於魯冊象恭致罰昭大訓於堯與况乎放命挺禍距戰發其狼心剽邑屠城略地騁其蠱賊旣而二帝遭平陽之酷按兵窺運五鐸啟金陵之祚率禮稱藩勤王之誠當君危而未立匡主之節俟國泰而將徇適所謂相時而動豈素蓄之欵哉然其制敵多權臨下有惠勸農桑敦地利任賢士該時傑故能恢一方之業創累業之基焉元真體貌不恒暗符天表沉毅自處頗懷竒略于時羣雄角立爭奪在辰顯宗主祭于冲年庾亮竊政于元舅朝綱不振天

步孔艱遂得據已成之資乘土崩之會揚兵南驚則烏九卷甲建
旆東征則宇文摧陣乃負險自固恃勝而驕端拱稱王不待朝命
昔鄭武職居三事爵不改伯齊桓績宣九合位止爲侯瞻曩烈而
功微微前經而禮縟壑谿難滿此之謂乎宣英文武兼優加之以
機斷因石氏之釁首圖中原燕王協其籌冀馬爲其用一戰而平
巨寇再舉而拔堅城氣讐傍鄰威加邊服便謂深功被物天數在
躬遽竊鴻名偷安寶籙猶將席捲京洛肆其蟻聚之徒宰割元黎
縱其鯨吞之勢使江左疲於奔命職此之由夫非天厭素靈而啟
異類不然者其鋒何以若斯

贊曰青山徒構玄塞分疆蠢茲雜種奕世彌昌角端掩月步搖翻
霜乘危蝟起恬嶮鴟張倣竊神器憑陵帝鄉守不以德終致餘殃



